


新中華教科書

本國史

初級中學用

第二冊

MG
G634.S3
33



新中華教科書
初級中學用 **本國史** 第二冊

目錄

頁數

第三編 近世史——自宋興迄清亡

第一章 近世史開幕及宋遼夏之鼎立……………一

近世史上史的民族及地域

宋之統一與遼夏

宋之對遼外交

宋之對夏外交

遼夏之漢化

第二章 宋之內政與對外之關係……………六

中央集權策影響於國勢

變法之動機及其結果

變法與黨爭

第三章 宋遼金之關係……………一一

遼之崛起

北宋之對金外交與滅遼

宋之南渡與對金外交

金之漢化

第四章 蒙古帝國之崛起……………一六

蒙古族之勃興及夏金之滅亡

宋之對蒙外交及其滅亡

蒙古帝國之大版圖

目錄

一

漢蒙文化交互之概況

第五章 蒙古帝國之瓦解及明與蒙古之抗衡……………二一

蒙古瓦解之原因 蒙古帝國之瓦解 元之見逐於明 明初政治之特點 明

與蒙古之抗衡

第六章 明之衰替及滿清入主中國……………三〇

君權過重之流弊 朝臣黨見之誤事 倭寇及朝鮮之役 滿洲之崛起 民生

困苦與流寇 明清之際

第七章 宋元明之海外交通及歐人東來……………三六

海外交通之概狀 市舶司與對外貿易 三大發明及其傳至歐洲之可能 新航

路發見及葡人租借澳門 華人殖民事業 華人殖民事業之挫折 歐洲學術之

輸入

第八章 宋元明之理學與宗教……………四八

理學勃興之原因 理學家之勃興及其派別 南宋理學家思想之變遷 元及明

初之理學 | 王守仁之學說及其流變 | 宋元明之宗教——道教佛教喇嘛教天主教

儒釋道之合流

第九章 | 宋元明之文藝及平民文學……………五五

古文詩詞 | 書畫 | 語體文之流行 | 戲曲 | 小說

第十章 | 滿清盛時之控馭漢族……………六〇

猜防之政策 | 牢籠之政策 | 漢人滿化政策 | 滿人之漢化

第十一章 | 滿清盛時之控馭蒙回藏三族……………六四

喇嘛教與回教之分布情形 | 噶爾丹之稱靈厄魯特 | 康雍乾三朝與厄魯特之抗衡

西藏之合併 | 回部之兼併

第十二章 | 滿清盛時之經略西南……………七〇

西南苗患與改土歸流 | 大小金川之開闢 | 安南緬甸暹羅之服屬 | 滿清之大版

圖

第十三章 | 滿清盛時之外交……………七三

目錄

三

俄羅斯之東侵

中俄之劃界

中俄通商情形

中英通商情形

第十四章

滿清外交失敗第一聲——江寧條約

……七六

鴉片交涉

中英開釁

江寧條約

江寧條約之影響

第十五章

太平軍之起滅及其影響

……八〇

滿清統治力失墜之原因

太平軍之崛起

太平軍之敗亡

與太平軍有關之餘

黨

與太平軍有關之西北回軍

滿漢勢力之消長

第十六章

英法俄之乘機侵略

……八五

英法聯軍之起因

天津條約及北京條約

天津條約之影響

東北失地

西

北失地

第十七章

西南邊防與英法

……八九

法人垂涎雲南之動機

法國之經營安南

中法戰役

滇緬界務問題與英國

第十八章

中日戰役及列強帝國主義之大侵略

……九三

朝鮮交涉

甲午戰役

馬關條約與遼東交涉

各國租借要港

第十九章 清末政治革新之失望……………九六

戊戌以前之政治 戊戌政變 義和團之起事 八國聯軍入北京 辛丑和約

及東三省撤兵問題 辛丑和約以後

第二十章 清代改制之大要……………一〇二

立法司法與行政 考試制與監察制 中央與地方 地方自治之消長

第二十一章 清代之學術思想及文藝……………一〇六

王學之反響 漢學之特盛及其分畛 史學之特盛及其影響 宋學與八股

詩詞古文 戲曲及小說 書畫音樂

第二十二章 近世期之社會與民生……………一一三

南北饒瘠之概狀 南北文化之升降 國內交通 賦稅沿革 幣制沿革

生活程度之高低 農民與田畝 工商業之萎縮 階級制度 風俗

第四編 現代史——中華民國

第一章 孫文之革命運動與中華民國之成立……………一二三

現代史開幕的背景

孫文革命運動之再接再厲

鐵路國有案與武昌起義

一

華民國臨時政府之成立

中華民國正式政府成立

第二章 各國對於民國成立之壓迫

一一八

民國之領土

俄國之窺伺蒙古

英國之窺伺西藏

日本之窺伺滿蒙

大借

款案

第三章 袁世凱之危害民國

一三三

勾結帝國主義者

二次革命爆發

帝制運動及其失敗後之情形

第四章 軍閥禍國時代之廣州政府

一三六

參戰與復辟

軍政府之成立

軍閥紛爭與帝國主義相勾結

第五章 外交問題與民衆運動

一三九

歐戰影響於中國外交

俄國大革命與外交

山東問題與二十一條案

巴黎和

會與山東問題

五四運動

華盛頓會議

五卅慘案

漢口慘案及沙基慘案

第六章 國民革命軍北伐之成功

一四七

中國國民黨改組之經過 國民革命軍之進展 國民黨容共清共之經過 濟案

與關稅自主

第七章 文化運動……………一五二

文化運動之動機 新舊思想之衝突 文學革命 國語運動 歐美學術之輸入

及國故之整理 三民主義與固有文化

新中華教科書
初級中學用 **本國史** 第二冊

第三編 近世史——自宋興迄清亡

第一章 近世史開幕及宋遼夏之鼎立

近世史上史的民族及地域 自五代而宋，中國民族萎縮。東北新

種族競爭
之第二幕

史的地域
之擴大

民族相繼南逼，遼金元迭起，局面一變。蓋自五胡亂華後，至隋唐而種族競爭之幕始閉；至此而又開種族競爭之第二幕矣。明興，漢族統一中國，與蒙古對峙；及其衰也，滿洲又崛起，先後與漢蒙回藏各族相抗衡，種族競爭之劇，續演未已。抑演此第二幕之地域，不復限於中國本部，元時最廣，幾括東歐。明清之世，亦以現在全中國版圖爲其地域。至吾國之政治中心地點——首都，自周秦迄隋唐，率在長安洛陽。近世以還，則自西而移於東，乃在汴京燕京及南京，是亦足覘吾國歷史重心之轉移。



宋之統一與遼夏

後周將匡胤嘗奉命出征，至陳橋驛，兵忽鼓噪，以黃袍加匡胤身，擁立爲帝，返汴京。匡胤卽帝位，改國號曰宋，是爲宋太祖。五代之局由是告終。宋太祖旣代周，以次平定南平後蜀南漢南唐吳越各國。惟北漢恃遼之援，不服，及太宗時始滅之。十國之局由是告終。但宋雖統一，河北山西北部察哈爾南部之燕雲一帶，終爲遼所有。河套及寧夏甘肅一帶，又爲西夏所割據，實成鼎立之勢焉。

五代之局告終

十國之局告終

注 〔一〕陳橋驛、在今河南開封縣東北。〔二〕自石敬瑭割燕雲十六州地於遼後，周

世宗時，曾攻遼，奪回瀛莫三州；然其餘仍爲遼有。

宋之對遼外交

遼以臨潢（在黃河北岸）爲都，以燕京爲南京，領土北抵黑龍江岸，包有今之滿洲蒙古及河北山西之北部。會宋代周統一中國，東亞大陸，遂由分崩離析之局，復成宋遼兩大對峙之局。太宗滅北漢後，欲恢復幽冀，遂伐遼，爲遼所敗，太宗僅以身免，兩國和好遂絕。眞宗時，遼復大舉入澶州，眞宗親拒之，遼氣奪，乃約定以白

宋遼對峙之局

宋遼和約

溝河爲界，與盟於澶州，許以歲幣——每歲予遼銀十萬兩，絹二十萬匹——而和，宋遼衝突乃暫告一結束。後遼人乘隙求地於宋，仁宗遣富弼與之交涉，許增歲幣銀絹各二十萬，結第二次和約。至神宗時，任用王安石，銳意圖強。然用兵西夏，喪師六十萬，得地不過數城砦，國家元氣大傷。遼人乘之，又遣使來議疆界。宋因無力抵抗，乃以「欲取姑與」爲說，割東西七百里之地以予遼，遂爲他日興兵之端。

注 〔一〕澶州在今河北滌陽縣。 〔二〕白溝河上流爲拒馬河，出今河北涿水縣，至定

興新城，爲白溝河。其下流經雄縣，入於大清河，亦曰界河，蓋因當時宋遼以此爲界也。

〔三〕遼遣使來議疆界，強指分水嶺爲界。凡山皆有分水嶺，遼故意欺宋，圖占取宋地。

宋遣知制誥沈括往。括詣樞府，閱舊圖案，得悉從前疆域，係以古長城爲界。當時所爭，

乃在黃嵬山（今山西崞縣西南），相距尚三十餘里。因與遼爭持不決。神宗以問王安石，

安石曰：「將欲取之，必姑與之。」於是如遼議，割地予之，凡失地東西七百里。

宋之對夏外交 夏之先，本党項羌。唐初入居靈夏諸州地。唐末

西夏之始

，其酋拓跋思恭助平黃巢之亂，有功，封夏國公，是爲西夏之始。至宋初，西夏時而臣服於宋，時而臣服於遼。及宋仁宗時，元昊爲西夏王，西攻吐蕃回鶻（即回紇）及蘭州諸羌，據有靈夏等十四州之地，定都興慶，用華州人張吳二生謀，建國稱帝，國號大夏，大爲宋患。宋聚天下精兵，以韓琦范仲淹等名臣經略之，亦僅稍挫其鋒，而不能勝。迨至宋遼結第二次和約後，不久，元昊亦爲宋所困，乞和。宋乃封元昊爲夏國王，歲賜幣，約稱臣奉正朔。宋夏衝突亦告一結束。自是西夏漸衰，而宋之外交重心，偏於對遼矣。

西夏稱帝

注 〔一〕十四州者即銀、夏、綏、宥、靜、靈、鹽、會、勝、甘、涼、瓜、沙、肅、

是也，大約在今陝西北部及甘肅之地。〔二〕興慶，即今寧夏省寧夏縣。

遼夏之漢化

遼初無文字，自太祖阿保機時，始由漢人教之，增

損隸書之半，作契丹文字，但未能通行。太宗德光入汴，取歷代之圖書禮器而去，乃輸入漢人之文化。至道宗洪基，尤好漢文字，漢文漢詩，

三 宋對遼用兵，有無勝利？其影響又如何？

四 宋之對夏與對遼，外交上之情形有無相同之點？宋之對外無功，主因是否在遼夏之互為牽掣？

五 遼所建國在現今何地？其被漢族文化後之情形如何？西夏亦曾漢化否？

第二章 宋之內政與對外之關係

中央集權策影響於國勢。宋太祖既定天下，用趙普謀，解除功臣之兵權。其本為節度使鎮守之地，一面使其所領各支郡直接隸屬京師；一面乘各節度使辭職或死亡之時，盡以文臣代之，以漸收政治權於中央。更於各路專設轉運使，凡財賦及金錢，悉送汴京，以收財政權於中央。定更戍之法，使兵不為將所私有，以收兵權於中央。且往往召各鎮節度來京，賜第留居，命朝臣代之，權知各州軍事，不去其中央之底缺，更無異收地方之權直隸於中央。——後世官差之分亦即自此始。由是曆以來藩鎮跋扈之弊盡去，而中央之權大重。且預防中央之大臣專權

官差之分
自此始
藩鎮之弊
盡去

，故將中央之權限劃分；政事權屬於中書省，兵事權屬於樞密院，而別以財政權屬於三司。於是中央亦復三權鼎立，而總於君主之一身，成一君權絕對無限之政局，於中國政治史上劃一新時期。然君權之絕對無限，其局雖自宋開之。而宋之君主多庸懦，不能運用此權，其結果能防內亂而不能禦外侮，此宋之所以不能爲漢唐也。

注 〔一〕太祖一日因晚朝，與石守信等飲酒酣，屏左右謂曰：「朕非卿等不及此。然

天子亦大艱難，殊不若爲節度使之樂。朕終夕未嘗敢高枕臥也。」守信請其故。太祖曰：

「是不難知，此位誰不欲爲？」守信等頓首曰：「陛下何爲出此言？今天命已定，誰復有

異心？」太祖曰：「卿等固然，其如麾下欲富貴何！一旦有以黃袍加汝身，汝雖欲不爲，

其可得乎？」守信等泣謝曰：「臣等愚不及此，惟陛下哀矜，指示可生之途。」太祖曰：

「人生如白駒過隙，所以好富貴者，不過欲多積金錢，厚自娛樂，使子孫無貧乏爾。卿等

何不釋去兵權，出守大藩，擇好便田宅市之，爲子孫立永遠不可動之業。……君臣之間，

兩無猜疑，上下相安，不亦善乎？」守信等明日皆稱疾，乞罷典兵。〔二〕宋承周舊制，

精銳之兵，皆聚於京師之禁衛軍。至是用趙普之言，別立更戍法；更番分守各州軍，以習勤苦，均勞逸，調兵不調將。於是兵不知將，將不知兵，兵士遂不至為將所私有。

〔三司者：鹽鐵、度支、戶部也。宋世以天下財計，歸之三司，而置三司使以總之，時人號為「計相」。

神宗發奮圖強

變法之動機及其結果

神宗既憤歷朝之積弱，頗欲發奮圖強，以

在朝舊臣皆主保守，乃力排衆議，信任新進之王安石。安石亦毅然以力圖富強自任，欲以青苗、免役^①等法裕財；欲以保甲、保馬^②等法強兵。一時舊臣如韓琦、司馬光、程頤、蘇軾輩，皆反對之。安石自信力極深，不顧衆人之反對，必欲行其新法以收效，引用趨炎附勢之小人呂惠卿等以自助。於是新法因奉行不善，反以病民。安石又急於見功，新法推行未盡利，而伐夏喪師，對遼割地，兵革既興，民生益困，安石愈為反對者所詬病矣。

新法病民

注 〔一〕青苗之法始於唐。宋時，陝西轉運使李參，以部內多戍兵，糧餉不足，令民

自度麥粟之贏，先貸以錢，俟穀熟還官，號「青苗錢」。經數年，廩有餘糧。安石以爲其法善於常平倉之法，令推行於諸路，使兼併之家不能乘急要利，國家且可多一項收入。其法春貸秋收，徵利金二分或三分。免役法則創於安石，初，宋太祖分天下諸州之戶爲九等，自一等至四等充役，五等以下免役。安石改之，分民貧富爲五等輸錢，名免役錢。其法先視州縣應用雇役多少，隨戶均取雇值，又增取二分以備水旱欠闕，謂之免役贖錢，用以募人代役。〔一〕安石欲罷募兵，改用民兵，立保甲之法：十家有保，五十家爲大保，有大保長；十大保爲都保，有保正副；主客戶兩丁以上選一人爲保長，授之弓弩，教以戰陣，爲保丁者，並許自蓄弓箭，共習武藝。保甲願養馬者戶一匹，皆以監牧中見馬給之；或官予值令自市，除襲逐盜賊外，乘越三百里者有禁。歲一閱其肥瘠，死病者補償，謂之保馬法。

變法與黨爭

安石既變法，舊臣等皆反對之，是爲舊黨。與附和安石之呂惠卿章惇蔡京等新黨相傾軋。此起彼仆，自神宗朝而迄徽宗朝，凡五六十年間，內爭日烈，對外無術，擾擾紛紛，直至宋室南渡而

新法失敗
之原因

後已。當時之黨爭，大抵新黨主變法，圖進取；舊黨務保守，圖苟安。然新黨中真有政治主張者，惟王安石；餘皆藉以爭權位，圖報復而已。此新法之所以失敗也。

注 「一」新法既爲時詬病，及哲宗即位，太皇太后高氏臨朝，斥呂惠卿等新黨，而罷新政，一時稱治。無何，舊黨中忽自裂爲洛蜀三黨，太皇太后死，遂爲新黨所乘。新黨章惇爲相，悉罷蘇軾等舊黨，一切新法，相繼復興，與西夏吐蕃又復用兵，連年攻戰不已。哲宗死，徽宗立，皇太后向氏聽政，復信用舊黨，新黨蔡京等皆遭貶斥。徽宗既親政，新黨蔡京獨專政權，諸舊黨爲其貶竄死徙殆盡。

提問要點

- 一 宋太祖用何方法集權中央？中央集權後，又用何法預防中央之大臣專權？君權無限之流弊又如何？
- 二 何故變法？新法之重要目的何在？新法何故卒歸失敗？
- 三 黨爭的原因及結果如何？黨爭與對外的失敗，有無關係？黨爭之禍國，責任是否全在

新黨？

第三章 宋遼金之關係

金之崛起，遼所轄地，混同江（今松花江）左右，南爲生女眞，北爲熟女眞，皆滿族也。遼人對於生女眞，需索頗煩，生女眞厭苦之。至阿骨打爲生女眞酋，遂叛遼，取遼東北諸州。遼遣將伐之，復爲所敗。阿骨打乘勝稱帝，建國號曰大金，是爲近世史上滿族強大之起原。遼遣使與議和，金不從，遼主自將七十萬人伐之，又爲所敗。金更乘勢取遼東京諸州。熟女眞亦降於金，金勢益大。

注 「一」金之先，在周爲肅慎，至唐爲靺鞨，有黑水粟末兩部，五代時，皆爲契丹所

滅。黑水靺鞨居混同江左右，又分生女眞熟女眞兩部。

宋約金夾
攻遼
遼亡

北宋之對金外交與滅遼 宋本仇視遼，見金之強，乃與約夾攻遼，以長城爲用兵界線，欲借此收歸長城以內地。顧宋將童貫戰不利。金人卒逾長城攻取燕京，滅遼。遼將耶律大石走中亞細亞，別建西遼國。

北宋亡

遼既亡，宋與金議分遼地。金以宋無功，不肯如約；宋乃出代稅錢百萬緡，取得燕京及其附近之六州。無何，金以宋納遼叛將，藉口興兵，南下圍汴京。宋乃割地納質，稱姪以與之利。逾數月，金人復分道南侵，破汴京，執徽欽二帝及后妃皇族三千人北歸，囚於五國城。北宋凡一百六十七年而亡。

注 〔一〕五國城以遼時自此而東凡五國，故名。其地在今吉林伊蘭縣治近旁；一說在今吉林延吉縣。

宋之南渡與對金外交 徽欽被虜，宋人立欽宗弟康王構於南京。

康王爲汪伯彥黃潛善所惑，不用李綱備戰之謀。金兵南下，遂退守揚州，繼退臨安。金將兀朮大舉渡江，康王復航海退温州。時韓世忠岳飛轉戰江淮，金人乃北還。康王復歸都臨安，是爲南宋高宗。而命韓世忠駐淮，岳飛駐鄂，以拒金。韓岳爲將，屢敗金兵，河南關中州郡多克復。岳飛一軍尤銳利，自鄂州直趨中原，郟城一戰，大敗兀朮；方欲

南宋

宋金對峙之局定

渡河，而宋相秦檜，壹意主和，一日連下十二金牌召飛還，旋誣殺之。乞和於金，其和約：宋主奉表稱臣，歲貢銀二十五萬兩，絹二十五萬匹，並割河南陝西一部分地予金。金則歸還徽宗梓宮及帝母章太后於宋。時高宗紹興十二年，即民國前七百七十年也。於是宋與金對峙自大散關至淮水中流爲界，宋金南北對峙之局遂定。而自此以後，宋之對金稱臣稱姪，永輸歲幣，無外交可言矣。

宋金關係表

南宋		北宋末		時	代	關係	歲幣	數目
寧宗時	孝宗時	高宗時	欽宗時			平等		
宋姪 <u>金伯</u>	宋姪 <u>金叔</u>	宋臣 <u>金君</u>	宋姪 <u>金伯</u>			同上		
銀三十萬兩絹二十萬匹	銀二十萬兩絹二十萬匹	銀二十五萬兩絹二十五萬匹	同上					

注 〔一〕南京即今河南商邱縣。〔二〕康王既立，時宗澤留守汴京，力請還汴，章凡

二十上，卒感於汪伯彥黃潛善之言，不許。汪黃又力阻李綱備戰之謀，主張退避揚州。時太學生陳東布衣歐陽徹上書，請罷汪黃，用李綱。不聽，殺之。〔三〕臨安即今浙江杭縣

。〔四〕天散關在今陝西寶雞縣西南和尚原之西。

金之漢化 宋金和議成，金之疆域，東至於海，西抵賀蘭，北踰

沙漠，南距淮水及秦嶺，以會寧（吉林阿城縣南）為都，（後廢帝亮又

遷燕京）為亞東一大國

。其後宋孝宗雖英武有

恢復中原之志，而同時

金世宗亦賢明有為，無

可乘之隙，於是南北相

安。金世宗努力於文教

，以女真字譯五經唐

書，令學士大夫必須通

女 真 文 字

更不片弟來仕天余右

亦友天社元私更苦天乎共伴右手

主勇立鼎寺居奉史社鼎二月乎此

日育老前味足并史辛今前行


斥土致舟余化甫斤頁化右亮並勇足

交岑及一光元金美冬五丈一考屋


斥味足并史史序友天育老

今史風亮弟兄屏

圖勢大時峙對金宋



圖係關遼宋



女真字。然文化低劣之民族，與有文化之民族雜處，例被同化。金既入居中原，漢文之勢力日張，女真文字遂歸劣敗。其後任用官吏，亦以漢文爲標準；且金人亦多有漢名；其君主亦多從事漢學。世宗死，孫章宗立，尤極力提倡漢學，購求遺書。金之文化遂臻極盛。然金既漢化，國性以失，蒙古崛起，遂爲所併者，此亦一原因也。

注 〔一〕女真本無文字。太祖阿骨打時，始依仿漢文，因契丹字制度，合以國語作女真文，號女真大字；後又制女真小字。〔二〕如太祖阿骨打之名晟，太宗吳乞買之名晟，以及幹離不之名宗望，兀朮之名宗弼皆是。

提問要點

- 一 近世史上滿洲族之最初建國者爲誰？其對遼取何態度？
- 二 宋如何約金滅遼？遼亡之後，金如何對宋？
- 三 宋因何而南渡？南渡後，有無恢復中原之機會？然卒與金成南北對峙之局者，何故？
- 四 金因何而漢化？漢化後，其國性如何？

第四章 蒙古帝國之崛起

蒙古之勃興及夏金之滅亡

蒙古族以斡難河源之不爾罕山爲

根據地。金初起時，曾向之借兵。後漸強，號大蒙古國，是爲蒙古族。

強大之起原。至其酋鐵木真起，大漠南北各部落，先後被併，勢益盛。

鐵木真乃自號成吉思汗，南下伐金，取黃河以北之地；復還軍滅西遼

，更西進兼併回教大國花刺子模，遣將入歐洲，伐欽察，破阿羅斯

（卽俄羅斯）。既凱旋，伐西夏，滅之。夏自元昊稱帝，凡一百八十九

年而亡。無何，成吉思汗（太祖）死，子窩闊台（太宗）繼爲大汗，定

都和林，一面遣拔都再征歐洲；一面用成吉思汗遺策，聯宋滅金。

金自阿骨打稱帝，凡一百二十年而亡。

注 〔一〕不爾罕山在今外蒙古車臣汗部西北境，爲土拉河斡難河（今鄂嫩河）克魯倫

河三河發源地。〔二〕蒙古以兵力助金，金人不償其勞，頗怨金。金屢出兵征之，不勝，

因割西平河（克魯倫河）以北之地與蒙古和，封其酋爲蒙輔國王；其酋不受，自號大蒙古

大蒙古國

夏亡

金亡

國。〔三〕鐵木真曾聞石上有異鳥向之鳴，音曰「成吉思」，鐵木真以爲瑞，取其音爲號。

。〔四〕花刺子模據鹹海裏海以至波斯灣之地。〔五〕欽察部爲突厥種之遊牧民族，在烏

拉嶺西，裏海黑海北，占有歐洲東北部一大平原，與阿羅斯諸國接壤。〔六〕和林在庫倫

西南。〔七〕拔都入阿羅斯，陷莫斯科（今蘇俄首都），遂西進直入歐洲內地；一軍自匈

牙利渡多腦河；一軍出波蘭，大破波蘭與日耳曼之聯軍。全歐震動，紛紛負笈而逃。會窩

闊台計音至，始還師。

宋蒙決裂

宋之對蒙外交及其滅亡 金亡後，宋與蒙古劃定以陳蔡西北地爲

界，既而宋將趙范等又毀約，逐蒙古守兵，奪汴京洛陽，由是兩國之國

交破。蒙兵南下，淮襄漢蜀之地多不守。其後忽必烈圍鄂州，宋相賈似

道密說忽必烈，請稱臣，并納歲幣銀絹各二十萬。會蒙哥汗（憲宗）之

計至，忽必烈許之，匆匆解圍，北歸而自立，是爲世祖，改國號曰大

元，定都燕京，稱曰大都。然似道則匿其稱臣納幣之事，僞言大捷，妄

自專權。卒之元將伯顏南下，陷臨安。宋文天祥張世傑陸秀夫等謀抵禦

宋亡
中國統一
於元

甚力言，與元兵輾轉相持於閩廣海岸，卒不敵，遂亡。宋自南渡至此，凡一百五十三年。時民國前六三三年。由是中國統一於元。

注 〔一〕窩闊台死，子貴由立，是爲定宗，越二年而死。蒙哥立，是爲憲宗，與其弟

忽必烈共圖宋。蒙哥入蜀，圍合州，不克而死於軍中。〔二〕伯顏入臨安，執宋帝昀北去

。宋文天祥張世傑陸秀夫等，奉昀爲君。昀死，弟昀繼之，暠、昀、昀，皆幼主也。文天

祥被元兵所執，不屈而死。陸秀夫負昀投海死。張世傑兵敗，覆舟死。


蒙古帝國之大版圖 蒙古自成吉思汗至忽必烈，凡七十年間，以

用兵之結果，北包漠南漠北，東自中國高麗，南抵喜馬拉亞山，西至小亞細亞半島之一部，以及歐洲之俄羅斯，咸隸版圖。除在中國建元朝外，更有窩闊台察罕台欽察伊兒四大汗國，實爲歷史上空前之大版圖。其統馭中國也，以中書省總理全國政治，河北山東山西之地，以其接近大都，故直轄於中書省，稱爲「腹裏」。其餘地方各以行中書省治之，是爲今日省制之起原。

歷史上空前
之大版圖

注 「一」(一)嶺北行省、統隴南北諸地；(二)遼陽行省、統滿洲等地；(三)河南行省、統河南、湖北、安徽、江蘇、等地；(四)陝西行省、統陝西、甘肅、等地；(五)四川行省、統四川及湖南、等地；(六)甘肅行省、統甘肅、寧夏、等地；(七)雲南行省、統雲南等地；(八)江浙行省、統江蘇南部及閩、浙；(九)江西行省、統江西、廣東、等地；(十)湖廣行省、統湖北、四川、湖南、貴州、廣東、廣西、等地；(十一)征東行省、統高麗等地；(十二)阿母河行省、統葱嶺以西地。

元及四汗國世系表



中國史上
特殊時代

蒙古字

漢人蒙化
之程度
蒙人漢化
之程度

漢蒙文化交互之概況 蒙族之文化雖幼稚，然元代版圖擴大，各種民族及文化無不兼容並包，實爲中國史上特殊之時代。初，蒙古有語言而無文字，借用畏吾兒字以通文檄。世祖時，命帝師八思巴造蒙古字，由是詔令文書用蒙語，或以漢字副之，或亦用白話之漢文。至於進呈文書，大都繙譯蒙語以進。蓋元之諸帝及大臣，多不諳漢文，殆以蒙語爲當時之官話，故漢人亦多改用蒙古名，一時文字語言上，不免蒙化，迄今通行好歹之歹字，尙爲蒙語也。而蒙人則除朝儀禮服酌從漢化外，其於中國之學術文藝，終形扞格，轉不若色目人之漢化焉。

注 〔一〕元天寶宮聖旨碑文曰：「長生天氣方裏大福蔭護助裏皇帝聖旨軍官每根底軍

人每根底城子裏達魯花赤官人每根底往來的使臣每根底官諭的聖旨成吉思皇帝月古台皇帝薛禪皇帝完者都皇帝曲律皇帝普顏篤皇帝格堅皇帝聖旨裏和尙每也里可溫每先生每答失蠻每不揀甚麼差發休着告天祝壽着道來如今呵依着在先的聖旨體例裏不揀甚麼差發休着告天者咱每根底祈者麼道汗梁路許州有的天寶宮裏住持的明真廣德大師提點王清貴爲頭先生每

根底執把行的聖旨與了也這的每宮觀裏使者休安下者鋪馬祇應休拿者商稅地稅休與者莊產園林碾磨店鋪舍席解典庫浴房竹葦船隻不揀甚麼他每的不揀是誰休使氣力者休拿扯要者這的每倚有聖旨麼道沒體例勾當行的他每是不怕那甚麼聖旨俺的泰定三年虎兒年三月十五日大都有時分寫來」此爲元代之一種文告，不易句讀，可見元代通行文字之一斑。〔二〕凡畏吾兒人西域各國人歐洲人等，皆稱爲色目人。元時色目人隨便居住，與漢人相習，故色目人中如廉希憲秦不華變饜之儒學，馬祖常薩都刺丁鶴年之文學，皆卓然可稱。

提問要點

- 一 蒙古族以何處爲根據地而勃起？其會成吉思汗對外經營之成績如何？
- 二 宋曾約金滅遼，復約蒙古滅金，其策略是否相同？遼亡後之宋金外交，與金亡後之宋蒙外交，情形亦有相同者否？
- 三 試略述蒙古帝國之版圖。

四 蒙古帝國對於領域內之各民族及文化取何種態度？對於漢族文化又取何種態度？

第五章 蒙古帝國之瓦解及明與蒙古之抗衡

第三編 第五章 蒙古帝國之瓦解及明與蒙古之抗衡

蒙古瓦解之原因

蒙古族生長沙漠，耐勞苦，善騎射，強悍特甚。

又彼崛起之時，東亞則正疲於遼金夏宋爭戰之後，中亞東歐亦在四分五裂之時，無一足爲其勁敵，故其興也甚驟；然其衰也亦甚驟。其主要原因，則(1)蒙古人長於戰事，而短於組織力，所至之處，惟知殺掠摧殘，有破壞而無建設。(2)蒙古民族文化本低，兼併數多之國家後，既不能以自己之文化陶冶之，又不能融結各種相異之文化而形成一新文化。故徒擁有龐大之版圖，而無有團結之工具。

蒙古人短於組織力
蒙古文化之低

蒙古帝國之瓦解

蒙古國俗，大汗須由宗族諸王及大將合開「庫

里爾泰」之大會推舉之。憲宗之死也，世祖忽必烈不待「庫里爾泰」之推舉，自即大汗位，頗爲宗族所不服。故世祖之時，各汗國已獨立，不受元之統制。元之所能統制者，不過大漠南北及中國而已。窩闊台之孫海都合窩察欽三汗國之諸王，別開「庫里爾泰」，推己爲大汗，以與世祖抗衡。其後百年之間，諸汗國與元先後衰亡；惟欽察汗國閱二百年而

蒙古諸汗國之亡

亡於俄羅斯。

備覽 〔欽察汗國後裂爲金黨（金帳）白黨（白帳）青黨（青帳）克里米諸汗，故俄人

得以乘之。民國前四三二年，遂爲俄莫斯科大公伊凡三世所滅。窩闊台汗國爲元所滅，其地則并入於察罕台汗國，後察罕台汗國與伊兒汗國又皆爲帖木兒所滅。帖木兒者，亦蒙古族，察罕台汗國之將也，據察罕台汗國地，於元亡後一年，卽民國前五四三年，建立帖木兒帝國。其拓地西至地中海，東至發嶺恆河，南盡波斯灣，北及俄羅斯之一部。惟時明太祖崛起東亞，帖木兒崛起中亞，亞洲儼然成兩大帝國對峙之局。

元之見逐於明 元之治中國也，分國民爲蒙古色目漢人南人四

階級，凡百官首長必以蒙古人或色目人爲之；漢人南人不與焉。且禁漢人挾兵器，壓迫備至。又分人民爲一官、二吏、三僧、四道、五醫、六工、七匠、八娼、九儒、十丐之十級，知識階級大受壓迫。加以喇嘛之橫暴，官吏之貪殘，將帥掠降民爲家奴，政府務苛歛以困民，在在足以激動漢人之民族思想。順帝時，劉福通遂起兵潁州，騷擾北方。

元之壓抑
漢民族

激動漢人
之民族思想

明統一中國本部與蒙古對峙


南方則張士誠據吳，陳友諒據江州，朱元璋據集慶，而朱元璋尤強。既翦滅江淮羣雄，更命徐達常遇春領兵北上，逐元於塞外，統一中國本部，定都應天，是為明太祖。時民國前五四四年也。元治中國凡八十九年。順帝北走和林，仍占有蒙古；與明成對峙之局。

注 〔一〕漢人指陸之遺民，南人則宋之遺民也。 〔二〕元世喇麻為患特甚。初世祖忽

必烈平吐蕃，以其獷悍難治，尊喇麻八思巴為帝師以柔服之。當時帝師之權，並皇帝而陵百官，後襲其制。於是喇麻所至發掘墳墓，私庇罪囚，攘奪民田，役平民為佃戶，假館民舍，迫逐其男子而姦污其婦女。武宗且下令，凡西僧者斷其手，西僧者截其舌。

三阿里海牙用兵剽南江西廣西海南，掠降民為家奴以千萬計。 〔四〕潯州即今安徽阜陽

元末東南南羣雄割據圖



縣。〔五〕應天在元爲集慶路，明太祖建都於此，改爲應天府。成祖遷都燕京，因以應天爲南京，而以燕京爲北京。

明初政治之特點

明太祖鑒於元代之法紀弛壞，遂至不國，故以

明代御史
之重

大權集於君主一人，不設宰相，政事由吏戶禮兵刑工六部尙書理之。而監察之制特嚴，司監察者爲都察院御史與六科給事中。御史專掌糾劾百司，辯明冤枉之事，雖大臣亦得彈劾，雖定獄亦得翻案。六科給事中專掌稽六部百司之事，雖詔令有失，亦得封還執奏。又太祖以平民而爲天子，深悉民間疾苦，故重懲貪墨之吏，守令臧至六十兩以上者梟首示衆，仍剝皮實草。法令森嚴，於是腐化之官僚肅清矣。惟其待人民優厚，所以待臣下嚴刻也。

明代待民
之厚

備覽

明太祖重建南京，詔盡逐天下官吏之爲民害者，赴京師築城；官吏有罪者，悉

請鳳陽屯田，至萬餘人。府州縣衛之左，特建一廟以祀土地，爲剝皮之場，名曰皮場廟。

官府公座房，各懸一剝皮實草之袋，使之觸目驚心。

明與蒙古之抗衡 其事分三節，述如下：

(1) 韃靼 元既退歸塞外，不久

蒙古去國
號稱韃靼

遷都燕京

即為其部下鬼力赤所奪。鬼力赤去帝號，稱可汗；去國號，稱韃靼，是為韃靼之起原。韃靼稱雄漠北，明成祖起靖難兵，嘗得其助力。成祖既即帝位，知其不可忽，遷都燕京以鎮之。時鬼力赤為其臣下阿魯台所篡，成祖招撫之，不聽；乃親征之，阿魯台請降，韃靼之勢一挫。

(2) 瓦剌 韃靼之衰也，其西部

有瓦剌部者漸強。其酋脫懽乘機襲韃靼，擁立元裔脫脫不花為可汗，而自

明與蒙古對峙圖



土木之役


韃靼復振

內外蒙古
之起原

爲丞相，盡有韃靼餘衆，雄視漠北。子也先尤梟傑，明英宗時，大舉入寇；英宗禦之，被擄於土木堡，是爲「土木之役」。尋送還英宗言和，也先由是益橫，殺脫脫不花，自稱大元田盛可汗，不久爲其下所殺。後脫脫不花子麻兒可兒復爲韃靼可汗，號「小王子」，韃靼勢復振。

(3) 內外蒙古之分裂

麻兒可兒後，韃靼多內訌。及達延可汗繼立爲小王子，有雄略，平定諸部，復統一漠南北，稱大元可汗。自明世宗以還，達延之子孫各據一部，是爲今內外蒙古各部之起原。後諸部中以俺答爲最強。穆宗時，俺答年老佞佛，明以喇嘛教羈縻之，始相安；俺答死，其妻三娘子領其衆，歸心於明，西部以寧。而東部土蠻又時爲遼東薊門之患，明以戚繼光等禦之，始得無患。總之，終明之世，蒙古常與明對峙爭衡，未嘗少息，至滿洲興，始統一中國與蒙古，而於東亞大陸建立一大帝國焉。



注 [一]明太祖懲宋元之孤立，封二十五子爲王，鎮守各地。後以蒙古屢窺北邊，功臣又多誅者誅，退者退，遂令諸子統兵，節制將帥，遂釀成尾大不掉之勢。太祖死，孫惠帝立，因齊奏黃子澄言，削藩王兵地。燕王棣因藉口起兵，以清君側靖內難爲名，是爲「靖難之役」。京城破，帝不知所終，隸卽位，是爲成祖。 [二]正統十四年，也先侵明，英宗聽太監王振言，自將禦之。行至土木堡，中伏被擄，振及將士皆死，京師大震。朝臣多主南遷以避之。獨兵部侍郎于謙堅執不可，以爲不宜蹈宋南渡覆轍，乃共立郕王監國，是爲景帝，遂尊英宗爲太上皇。也先不得逞，送還英宗以和。 [三]三娘子、鄂爾多斯部

女，俺答外孫女也。俺答聘之，爲其孫巴噶奈濟之妻，見其美，奪之。巴噶奈濟怒而降於明，明以爲指揮使。俺答見明不殺其孫，大感激，遂受撫。俺答死，三娘子婚其子黃台吉。黃台吉死，復婚其孫徹里克；其後又婚徹里克孫布色圖。三娘子歷配三主（指俺答、黃台吉、徹里克），皆主兵柄，爲中國保邊塞，部衆亦畏服，明封之爲忠順夫人。

提問要點

- 一 蒙古族何以能崛起建立大帝國？其衰亡又何以甚速？
- 二 何謂庫里爾泰？庫里爾泰與蒙古帝國之衰亡有何關係？以蒙古帝國疆域之大，民族之雜，文化之弱，即無庫里爾泰之爭，亦能長保其不瓦解乎？
- 三 元政府如何壓抑漢族？漢族之反感如何？——因此問題對於民族主義，作何感想？
- 四 明代御史及六科給事中權皆極重，試說其權限及用意。
- 五 蒙古雖退歸塞外，以中國還明，明與蒙古猶成對峙之局，其間頗多交涉，試舉其最關重要者述之。

六 試述蒙古分裂之大概情形。

第三編 第五章 蒙古帝國之瓦解及明與蒙古之抗衡

第六章 明之衰替及滿清入主中國

君權過重之流弊

明太祖盡收政權於一身；雖設有內閣大學士，

不過君主之幕府書記，初無總理政務之權。君權過重，爲君主者不能運用，反爲宦官所竊，故有明一代君主多受宦官之蒙蔽。至熹宗時，宦官魏忠賢專權，無惡不作，流毒更甚。

明代宦官之患

注 〔一〕明制：內閣不過君主之書記。而司禮監之宦官權在內閣上，詔旨往往由司禮

監發下，內閣不得參與；即內閣所擬者，亦多被司禮監改易。惟孝宗世宗兩帝，御宦官頗嚴。故閣臣之中，惟嚴嵩以媚事世宗，肆其奸惡，與宦官無異。神宗初年，張居正入閣，百事振作，號稱有爲，仍依宦官馮保以自固。

朝臣黨見之誤事 自神宗之時、顧憲成削籍歸里（江蘇無錫縣）

，乃講學於東林書院，諷議時政，評量人物，不得志者悉附之，當時稱爲東林黨。其後遂分東林黨與非東林黨兩派。卒之非東林黨以勢力不敵，遂附於魏忠賢，於是黨禍起，善類一網打盡。東林黨人周順昌黃尊

東林黨

黨見亡明

素之被逮，江南民衆，憤而暴動，不期而集者數萬人，幾激成民變。及崇禎元年、忠賢伏誅，然朝臣之結黨相攻，已成風氣。明制、全國兵權，悉在兵部，將帥不得專兵。時則滿洲進逼，而邊臣熊廷弼袁崇煥先後受朝臣黨見之牽制，卒歸於失敗焉。

注 〔一〕東林書院在江蘇無錫縣，本宋楊時講學處，久毀，明成化中重建，顧憲成等

講學於此。

明與日本之關係

倭寇及朝鮮之役

明中世以還，國勢之衰替，與日本有莫大之關係。

倭寇者，日本之浪人也，明初已爲患，至世宗時而益猖獗，山東江浙閩廣沿海之地大被其禍，而江浙尤甚。及神宗時，又有朝鮮之役。朝鮮自其王李成桂明初受明冊封後，世世朝貢不絕。至是日本豐臣秀吉遣兵大舉攻朝鮮，朝鮮求救於明。明遣兵援之，敗焉；議和又不諧。會秀吉死，乃罷兵。然戰事互七年之久，喪師費財無數，國力爲之疲敝。

滿洲之崛起

滿洲即女眞，金之後裔也。金爲蒙古所亡後，女眞

滿洲爲金之後裔

遺族仍散居混同江（即松花江）南北。明設建州海西野人三衛以羈縻之。神宗時、建州衛有努爾哈赤（清太祖）者、居興京，雄桀有大志，併吞三衛，不服者惟海西衛之葉赫一部而已。乃創八旗兵制，建國號曰滿洲。且頗注意於文化事業，以當時滿人普通不諳女真字，通行蒙古文，乃以蒙古文為根據，制定滿洲文字焉。滿洲以葉赫恃明援，遂大舉攻明，明傾中國之兵四十萬及朝鮮葉赫之兵各二萬以禦之，大敗。既而遼東不守，滿洲遂以瀋陽為都城，明邊大震。先後用熊廷弼袁崇煥等守禦於山海關外，不得逞。會努爾哈赤死，子皇太極嗣（清太宗），先攻朝鮮而服之。繼攻內蒙古，破察哈爾林丹汗之兵，內蒙古悉定。皇太極乃改國號曰大清。

清定內蒙古

ᡩᠠᡳᠨ ᡤᡠᡵᡠᠨ

ᡤᡠᡵᡠᠨ ᡤᡠᡵᡠᠨ ᡤᡠᡵᡠᠨ

ᡤᡠᡵᡠᠨ ᡤᡠᡵᡠᠨ ᡤᡠᡵᡠᠨ

ᡤᡠᡵᡠᠨ ᡤᡠᡵᡠᠨ ᡤᡠᡵᡠᠨ

ᡤᡠᡵᡠᠨ ᡤᡠᡵᡠᠨ ᡤᡠᡵᡠᠨ

清，稱帝。由是明與蒙古抗衡之局，一變而爲明與清抗衡之局。

注 〔一〕葉赫部與開原縣相近。 〔二〕滿洲兵制：每三百人設一牛錄額真（佐領），

五牛錄額真設一甲喇額真（參領），五甲喇額真設一固山額真（都統），每固山額真左右

設兩梅勒額真（副都統），是爲一旗。初設四旗，旗以純色爲別，曰正黃、正白、正紅、

正藍。其後又增設四旗，幅之黃、白、藍者，淺鑲以紅；紅者鑲以白，是爲鑲黃、鑲白、

鑲藍、鑲紅四旗，共八旗；凡滿洲戶口，亦以八旗編制，故滿人亦稱旗人。

民生困苦與流寇 自朝鮮之役後，國用不敷，神宗因專事聚斂，

開礦增稅，宦官四出，假名肆擾，繼以對滿洲用兵，兵費浩大。神宗

時歲徵遼餉六百六十萬；思宗時復歲加剿餉二百八十萬，練餉七百二十

明末民不聊生

萬，民不聊生，於是釀成流寇之禍。思宗崇禎初年、陝西大饑，張獻忠

李自成乘之作亂，禍延十餘年，陝西山西四川河南安徽湖廣直隸，殺戮

思宗殉國

甚慘，河淮之間，往往千里無人煙。獻忠入四川自立。自成則破北京，

思宗自縊死。明自太祖開國，至此凡二百七十七年，即民國前二六八年

時清世祖即位，爲順治元年。明將吳三桂擁兵在山海關，以自成掠其愛妾，乃向清乞師。清世祖遂入北京，作爲都城，與吳三桂合兵，以次平定流寇。自成獻忠皆亡，北方乃入於清。

注 「一」姦民與宦官狼狽，借開礦之名，乘勢橫索民財，富家鉅族，誣以盜礦；良田美宅，指爲礦脈；都邑關津，各設稅使。宦官納奸民爲爪牙，米鹽雞黍，皆令驗稅。

前三藩

明清之際 北方入於清，南方則尚有明宗室諸王（前三藩）之迭立：當自成破北京時，史可法馬士英等立福王（弘光帝）於南京。清兵南下，可法戰死，福王被執。於是黃道周等復立唐王（隆武帝）於福州，瞿式耜等又立桂王（永曆帝）於肇慶。唐王先敗死。桂王轉戰西南，卒於清聖祖康熙元年爲吳三桂所追逼，而被殺於雲南。此外更有魯王以海、立於紹興，而飄零海上，客死於臺灣。由是明之帝系絕。時中國內地，清已統一。獨唐王遺臣鄭成功割據臺灣，猶奉明正朔，不服清。後明之降將所謂後三藩者：吳三桂據雲南，尙之信據廣東，耿精忠據福建

後三藩

，同時反清；臺灣鄭經（成功子）亦思乘機進取。後三藩既敗，康熙二十二年，清兵遂平臺灣，收入版圖。由是明之遺臣絕，明乃全亡。自思宗殉國後，至此與滿清相抗衡者，凡四十年。漢族之抵抗精神，亦可見矣。

備覽 唐王初立，頗寵任鄭成功，賜以國姓，世因稱成功爲「國姓爺」。唐王敗死，成功據廈門，雄視海上；桂王亦遣使封爲延平郡王。順治十七年，成功率舟師由崇明進揚子江，轉戰至南京，以不敵清兵之衆，復引去；轉而圖臺灣。臺灣者，素爲番地，自古未入中國版圖，時則荷蘭人東來，據而有之。成功入臺灣，力戰荷蘭人而逐之，遂以臺灣爲根據地，極意經營。康熙元年，成功卒，子經嗣。同時桂王亦被殺於雲南。然自桂王死後，而臺灣鄭氏仍奉明正朔；迄經子克塽爲清所平，尙支持二十一年。

提問要點

- 一 君權過重，往往發生流弊，宋有先例，明則如何？
- 二 朝臣黨爭，往往貽誤國事，試述明代黨爭之情形。

三 何謂倭寇？其與明代之關係如何？

四 滿洲族崛起，明政府如何對付之？

五 明季民生困苦之原因最著者有幾？其與滿洲之壓迫及流寇之猖獗有無關係？

六 明亡於滿洲族乎？亡於流寇乎？其後史可法之圖恢復，鄭成功之告獨立，在民族主義

上有無意義？

第七章 宋元明之海外交通及歐人東來

海外交通之概狀 自唐末黃巢大殺廣州流寓之外人以後，海外貿易之事，遭一挫折。宋統一中國，首即設置廣州市舶司，海外貿易，於是復興。南渡以後，國都既移於杭州，益講求東南沿海岸通商之利，國家收入，至以市舶稅收為大宗。其時通商者以大食人——阿拉伯人——與波斯人為最多云。蒙古版圖既大，西北陸路之交通甚為發達。太宗提


市舶稅收
之利

議設驛站，察罕台汗贊成之，於所轄境內置驛，東接太宗所置，西接拔都——欽察汗國所置，自東以迄東歐，商販互通，行旅無阻。至於明

三保太監
下南洋

代則海道大通，三保太監鄭和於成祖永樂三年，率士卒二萬七千人，乘大船六十二艘，為南洋各地第一次之航行；其後陸續再往，凡七次

圖 通 來 西 東



。所經四十餘國，爲海上生活者垂三十年；中國之國威，遠播於南洋。由是明代與南洋之交通益發達，國人之往南洋者亦日衆。然自歐人東來而局面又一變矣。

注 「一」鄭和小字三保，世因稱之爲三保太監。「二」當時鄭和所乘之船舶，據明史

本傳所載，長四十四丈，廣十八丈，蓋可比肩今世之大商船矣。「三」據明費信星槎勝覽

之紀載，爲四十國，然其所曾至之婆羅洲斐律賓尙不與焉。和之航程，自劉家港——今江

蘇太倉縣之瀏河口，沿海下南洋經印度洋越亞丁灣循紅海，至非洲之竹步（Zanzibar），更繞馬

達加斯加島南端而還。

市舶司與對外貿易 唐有市舶使之官，宋因之，設市舶司，專管

對外貿易及抽稅，實爲今日海關制度之先聲。宋制，凡出海爲貿易者，

須向市舶司請給官券；外商舶至，須受驗抽稅，其外商欲入內地貿易，

亦須請券。貨物抽稅，十分取二或取一不等。元明亦皆有市舶司。惟元

代市舶司之抽稅，土貨單抽而番貨雙抽，隱合「保護稅則」之意。元代

海關制度
之先聲

單抽雙抽

上海繁盛
之始

又有官營之海外貿易，由官具船給本，招人承辦，所得之利，官取七而商取三。明至中世以後，因沿海有倭寇之故，遂嚴海禁，於是市舶司之設置不常；益以葡萄牙人租借澳門，而對外貿易之形勢又一變。至於宋時對外貿易繁盛之地點，以廣州爲最，次則泉州明州（寧波）杭州；至元而始有上海市舶司，上海之繁盛，蓋起於宋而著於元。

注 「一」宋於華亭縣置市舶務，元始割華亭而設上海縣。

備覽 唐宋之時，外人來中國者，所居地名曰蕃坊，宋時、廣杭泉三州皆有之。有官

曰蕃長，專管蕃坊公事。雖以外人充之，然須中國政府任命，服中國衣冠。蕃商之世居廣州者，以蒲姓爲最著，宋末時有蒲壽庚者，且任泉州市舶官甚久。至於外人所享之法權，據唐律：凡化外人同類自相犯者，各依本俗法；異類相犯者，以法律論。例如波斯人與波斯人之事件，大食人與大食人之事件，則依其本國法律斷之；若波斯人與大食人之事件，或波斯人與中國人，大食人與中國人之事件，則依中國法律斷之。而明律則凡化外人犯罪者，悉依中國法律擬斷，外人不能適用己國之法律於中國境內也。

三大發明
北宋時已
大備

三大發明及其傳至歐洲之可能 磁針、火藥、印刷、爲世界近世史上三大發明，皆始於中國；中國之使用此三物，實視歐洲早二百年或二百年以上。蓋中國在北宋時此三物已大備，——約當公曆十一世紀時；而歐洲之使用此三物，則在十五世紀。宋時盛與阿拉伯人通商，則由阿拉伯人之媒介，間接傳之歐洲；或由蒙古西侵，直接傳之歐洲；均屬可能也。茲述三物之緣起如下：

(1) 磁針 指南車相傳造自黃帝或周公，後世亦屢有造之者。其是否用磁針，不可考。惟磁能吸鐵，在戰國時已發明。至北宋時，則方家術士之說風水者，用磁針以定方向，蓋以磁石磨針鋒，鋒自指南，其後遂爲航海之利器矣。

(2) 火藥 中國古時之戰礮用石，蓋以機發石也。自用火藥以後，乃爲火礮矣。火藥之製造，在北宋時已有成法。火礮之使用，始於南宋初年之虞允文，以紙裹硫磺石灰爲之，名爲霹靂礮。魏勝又創

礮車，施火石，能及二百步之遠。既而理宗時，又有突火槍，以巨竹爲筒，內安子窠，是爲火器之始。

(3) 活字印刷術 唐時，益州有「墨板」，已知利用雕板，印刷書籍。至五代後唐時，馮道請鏤板刻九經，置之國子監。由是印刷術大行。至北宋仁宗時，有畢昇者，更發明活字版。其法：以膠泥造成字模，用火燒之使堅，排列於鐵板上以印書，由是得書更易矣。

注 〔一〕黃帝造指南車之傳說，詳本書第一冊第一編第一章傳說集中之黃帝節注。又相傳周初越裳氏來朝，迷其歸路，周公作指南車送之歸。其後東漢之張衡、唐之金公立、北宋之燕肅及吳德仁，均造之。〔二〕磁字古作慈，蓋取義如慈母之能引子也。呂氏春秋精通篇有「慈石召鐵」之文。則當時——戰國時已知磁石之用矣。後至梁時之字典名玉篇者，始載「磁」字，殆以當時普遍使用已久，故造此通俗之字也。〔三〕宋沈括夢溪筆談：「方家以磁石磨針，則能指南。」〔四〕北宋時之官書武經總要有火藥製造法，用硫磺、硫磺、砒霜、木炭末等物。〔五〕世每謂元初得西域人之造礮法，中國始有火礮——回

回礮，其實不然；蓋遠在元初百年前，中國已發明矣。西域人或傳自中國而改良之耳。又魏勝所用之火石，即礮彈；突火槍所用之子窠，即槍彈也。〔六〕法用膠泥，薄如錢屑，每一字爲一印，火燒令堅。先設一鐵版，其上以松脂蠟和紙灰之類冒之。欲印則以鐵範置鐵板上，密布字印，滿鐵範爲一版，持就火煬之，藥稍鎔，以平板按其面，則字平如砥。常作二鐵板，一板印刷，一板布字。印者才畢，則第二板已具，更互用之，瞬息可就。每一字皆有數印。詳見宋沈括夢溪筆談。

備覽 關於磁針及火器之事實，詳見科學九卷第四期文聖舉指南車與指南針無關係考，國立中山大學語言歷史學研究所週刊三集二十九期蔣蔭樓中國羅盤針考，清華學報五卷第一期陸懋德中國人發明火藥火礮考。

新航路發見及葡人租借澳門

歐人東漸之遠因，起於元代。意

大利人馬可波羅 Marco Polo 由陸路至中國，仕於元，居中國十餘年，歸國著書，盛稱東方之繁富，歐人讀之甚爲羨慕。及至明之中世——鄭和航海後之六七十年，新航路發見，世界大通，歐人競利用磁針以航海

葡人據澳
門爲領土

，於是葡萄牙人遂東來，據有馬刺甲等處。會鄭和下南洋之後，中國人多經商於南洋，與葡人漸相習，因之葡人益東進。有名勒斐爾比斯特羅 Rafael Perestrello 者附航船入中國，求締約通商，未遂。明世宗嘉靖十四年，即民國前二七七年，葡人賂都指揮黃慶，遂得租借澳門爲商埠，歲納地租二萬金。其後地方官復受葡人賄，於澳門半島之狹處築城，畫城以外予葡人。葡人乃於此小半島上，設官置吏，儼然據爲領土矣。嗣是而西班牙荷蘭英吉利之商人亦相繼至。

注 [一] 教皇英諾森第四 Innocent IV 嘗遣柏朗嘉賓 Plan Carpia 來謁元定宗。法王

路易第九 Louis IX 亦派教士路卜洛克 Rubruok 朝於憲宗。 [二] 歐人至東方，在新航路未

發見之前，皆由地中海至小亞細亞登陸，由紅海或波斯灣出海東航。自土耳其與，扼歐人

東航之要道，於是歐人乃起而試行地中海以外之航路。首試行而成功者，爲葡萄牙人地亞

茲 Diaz 及奧斯達加馬 Vasco da Gama——地至非洲南端之好望角，與更繞好望角北上而

至印度。

華僑之開
闢南洋

華人殖民事業

宋元以來，海外貿易日盛，中國人之因經商而殖民於南洋諸島者日多。其往也，固爲經商，但亦有代爲開墾荒地，而繁殖吾民族於其地者，如明初福建人林旺之於斐律賓，卽其例也。今斐島大部分之人民，猶皆爲吾國人與馬來由人之合種。亦有流寓其地而極占勢力者，如元史弼所遺病卒之繁殖於麻葉甕，粵人梁道明張璉之雄長三佛齊是也。

注 〔一〕元史弼伐爪哇，遭風船破，至麻葉甕（婆羅洲西北之小島）伐木造舟。其病卒百餘留養於此，後遂蕃衍。〔二〕三佛齊在蘇門答臘島之南端，與爪哇島西端相接。洪武中，爪哇滅三佛齊。時閩粵人僑居於三佛齊者已千數。有粵人梁道明號召部勸之，遂抗爪哇而有其地。不十年，閩粵人泛海從之者數萬人。永樂三年，成祖遣人招之，梁乃與其臣鄭伯可入朝。張璉、廣東饒平人，本劇盜，猖獗於閩粵贛三省。明合三省兵討平之。萬曆五年，有商人詣舊港，見璉爲舂船長云。

備覽 呂宋、美洛居（馬刺甲）、丁機宜（在爪哇之北）、合猶里（撒馬爾）、舊港

(即三佛齊)、婆羅、蘇祿(在婆羅東)、柔佛(在新加坡北)、以及印度支那等處，皆爲華商所集之地；尤以合貓里之市法爲最平，華商多樂趨之，且爲之語曰：『若要富，須往貓里務。』

華人殖民事業之挫折 西班牙人，本與葡人爭海上權者也。葡人

既得志於中國，西人乃繼葡人而求與中國通商，事爲葡人所阻，遂去而占據斐律賓，奪華人在斐島殖民之勢力。於是華人与西人大相衝突於斐島。明神宗萬曆時，有李馬奔潘和五等之力戰西人；會神宗又遣人往呂宋(斐律賓羣島中最大之一島)采掘金銀，西人更疑明將襲取其地，乃恣意虐殺華人，先後死者凡二萬五千餘人，實爲吾國殖民事業之一大厄。然華人本其堅忍不屈之精神，仍得立足於海外。而西人亦仍思通中國，頗利華人之往斐律賓，於是馬尼刺爲中西兩國互市之場；而西班牙銀圓所謂「本洋」者，亦於是時輸入中國，是爲中國有銀圓之始。抑吾華人惟有此堅忍不屈之精神，故至今南洋之僑民，猶不下五六百萬，且常

殖民事業
一大厄

中國有銀
圓之始
南洋華僑
之勢力

占有實業上之勢力焉。

備覽 明神宗時，有泉州人李馬奔者，得馬尼刺船爲之嚮導，率武裝船六十二艘，水陸兵各二千人，婦女千五百人，以日本人庄公爲將，進攻西班牙殖民；萬曆二年，與西人戰於馬尼刺，庄公死焉。李馬奔無功而還，其殘兵之留居者，卽今斐島之伊哥羅德支那人 Igoroto-Chinese。踰二十年而又有潘和五之事。西人之攻美洛居，役華兵二百五十人助戰，以潘和五率之。會西人虐待華兵，和五遂率衆刺殺西將，斬西兵，收其甲仗而歸，誤走安南，遂留居焉。經是兩役，華人因而遭西人之大虐殺。然華人被西人之壓迫，內無政府之援助，而發展如故。至滿清入主中國，恨明遺臣鄭成功藉海外爲根據地以反抗，更力禁華人出海貿易，其已在海外者不許歸國，甚至爲外人所虐殺而以爲咎由自取，然殖民事業仍如故。此則吾華人堅忍不屈之精神，殊足自豪於世界也。

歐洲學術之輸入

先是，歐人之入中國者，均爲商人，於文化上

之輸入無與焉。自明神宗之萬曆九年，卽民國前三三一年，意大利教士利瑪竇 Matteo Ricci 因傳天主教入中國，並攜其天文、地理、算學、火

吾國人始知有世界

器以至。利氏以其教義附會儒家之說，頗爲士大夫所重。越二十年更借龐迪我 Diego de Pantoja 入北京，適中國大統曆回回曆已多不合用，遂令龐迪我參預測驗。明思宗崇禎中，更以徐光啟言，用德意志人湯若望 Johannes Adam Schall Von Bell 任欽天監，兼命其鑄造火器。利瑪竇又獻萬國全圖。吾國人乃始知世界大勢焉。

注 [一]大統曆爲明初劉基等所定；回回曆則由西域傳入。

提問要點

- 一 自唐以後與海外通商之情形如何？——鄭氏之下南洋，自宣揚國威外，尙有何種重大成績及影響？
- 二 市舶司有何作用？尤以何代市舶司之稅課爲有保護稅則之意義？
- 三 所謂三大發明者何？中國於何時發明之？傳入歐洲可能否？中國民族固有能力之偉大如何？
- 四 歐人東來之動機如何？其中以何國之東來爲最先？其與中國之商務及主權，又有何關係？

係？

五 宋元以來，中國殖民於南洋之情形如何？西人何故虐殺華僑？華僑縱被排斥，又何以至今猶有勢力於南洋？

六 中國何時始輸入歐洲學術？所輸入者，爲何種學術？

第八章 宋元明之理學與宗教

理學勃興之原因 理學至宋而始盛，其原因可約述如下：

(1) 時代之反動 唐末五代，士習以浮華相尚，日趨鄙陋。宋興，欲矯正其弊，獎韓通之忠節，嘉种放之高隱，竭力注重道德，崇尚氣節，士習爲之一變。故儒者多講實踐，重修養，而自魏晉以還所不重之禮教，至宋儒而又大爲提倡。

(2) 佛道之影響 唐之士大夫，往往以關佛老爲事，韓愈卽其代表。而宋儒則轉與佛老之徒接近，或研究佛老之說，其爲學往往「出入佛老，反求六經」。於是思想解放，不復爲六經所束縛，別成

實踐修養
提倡禮教

出入佛老

書院之始

得書甚易

宋之理學之特色。

(3) 書院之發達 唐末五代，兵禍相尋，學人稀少。及宋統一後，儒者往往依山林閒曠之地，爲私人之講學，而政府亦扶助之，築廬舍，備書籍，聚生徒，一時成爲風氣，於是書院大盛。其成績與聲望，反出學校之上。——元代以蒙古入主中國，罔識學術，因有書院之存在，故教育權尙爲漢族所握，此其有關於學術思想者甚大。

(4) 書籍之廣布 唐時私家藏書之風氣已興，經五代至宋，印刷術進步，由是官書家刻，同時並作，書肆亦驟盛。得書既易，非若前此之必賴手鈔，故學術思想之發展，自勃興而不可遏。

注 [一] 宋太祖受擁戴代周，周侍衛親軍副指揮韓通謀帥衆禦之，不克而死。太祖乃

贈通爲中書令，以旌其忠，詔以禮葬之。 [二] 放隱居終南山，從學者甚衆。轉運使宋惟

幹言其才行，詔使召之，稱疾不起，轉居窮僻。太宗嘉其高節，命有司時加存問。 [三]

參觀韓愈原道諫迎佛骨表等文。 [四] 如歐陽修之於契嵩，周敦頤之於壽涯，朱熹之於妙

喜禪師；程頤弟子尤多雜於禪，而以謝良佐爲甚。又陳搏究性命之學，得太極圖以授种放，放以授穆修，修以授周敦頤及李之才，之才復以授邵雍。故宋理學家自周敦頤以至朱熹，幾無一不以「出入佛老，反求六經」稱。〔五〕宋時最著者有四大書院，卽白鹿洞書院（在江州，今江西廬山），應天府書院（應天府，卽今河南商邱縣），嶽麓書院（在潭州，今湖南長沙縣），嵩陽書院（在今河南登封縣太室山下）是也。〔六〕唐吳兢撰西齋書，杜信撰東齋籍，私家藏書漸聞。

理學家之勃興及其派別 宋儒研究修養德性之學者，始於濂溪周

敦頤。周敦頤傳洛陽程顥程頤兄弟，而其學大盛。張載聞風而起，亦講學關中。至南宋之朱熹，講學閩中，乃集此派學說之大成。故言宋代理學者，有濂洛關閩四派之稱。朱熹所言修養德性之法，就世界萬事萬物研究其理，以爲格得一物，便得一理，積久而貫通之，則爲人自有定見。與朱熹同時有陸九淵，其持論與朱不同，以爲吾人耳自聰，目自明，事父自能孝，不待他求，在能自立而已，故曰：『我雖不識一字，亦可

參陸異同

還我堂堂地做個人。」此即所謂朱陸之異同也。

南宋理學家思想之變遷 理學家之立說，本專重修養而不重事功

呂祖謙開
先聲

南宋思想
趨重事功

。南宋時與朱陸同時而相友善者有呂祖謙，講理學而兼治史學，教人必以致用爲事，乃開浙東事功派之先聲。其友陳亮葉適，雖曾受學程門，亦頗詆斥空談，而昌言事功；宋末之金履祥，固傳朱子之學者也，而有從海道圖燕薊之建議。故南宋學者之思想，已一變北宋理學之面目，而趨於事功。此則由於宋之南渡及金元之進逼，人人皆志切恢復，有以使之然也。

注 〔一〕呂氏周禮說：『古之公卿皆自幼時便教之以爲異日之用，……』 〔二〕呂祖

謙，婺州金華人，陳亮，婺州永康人，葉適，溫州永嘉人，此三地宋時皆屬浙江東路，故後人亦名事功派諸人爲浙東學派。 〔三〕陳亮上書孝宗，其略曰：『今之儒士、自謂得「

正心」「誠意」之學者，皆風痺不知痛癢之人也。舉一世安於君父之大憚，而方且低頭拱手以談性命，不知何者謂之性命乎？』葉適習學記：『正誼不謀利，明道不計功，初看極

好，細看全疏闊。古人以利與人而不自居其功，故道義光明；既無功利，則道義乃無用之虛語耳。」〔四〕元史金履祥傳：「……會襄樊之師日急，……履祥因進牽制搆虛之策，請以重兵由海道直趨燕衛，則襄樊之師將不攻自解。且備彼海船所經，凡州、郡、縣、邑、下至巨洋、別島、難易遠近，歷歷可據以行。宋終莫能用。及後朱清、張瑄創海運之利，所由海道，視履祥先所上書咫尺無異。」

元及明初之理學 元之理學家，推衍朱熹之說者有許衡劉因，融

政府操縱
文化之弊

合朱陸者有吳澄。浙東主事功之一派，則以受政治上之壓力，無傳之者。至明初政府編訂四書大全、五經大全、性理大全，一以程朱之說爲標準，不得出其範圍，故明代前半期之學術思想，大抵仍受程朱學說之支配。及王守仁出，明代理學之趨勢，乃劃然爲一新時期。

明代理學
之變遷

王守仁之學說及其流變 程朱學說之末流，過於篤信謹守，其弊流於拘迂，故專制君主頗利用之以束縛人心。姚江王守仁出，主「知行合一」之說，謂知只是行的主意，行只是知的功夫。其持論直捷簡易，

王學末流
爲世詬病

一反宋學支離拘迂之病。一時思想界所受宋學之束縛，頓爲解放，遂大形活潑，宗王學者徧天下。然王學末流，有何心隱李贄之徒，尙氣好任俠，與社會信仰中心之禮教不相容，乃大爲世所詬病矣。

注 「一」何心隱亦改易名姓稱梁汝元，習王守仁弟子王良之學，李贄則又私淑何心隱

者也。李贄何心隱論曰：「人倫有五，於舍其四，而獨置身師友之間。」袁宏道李贄傳：

「公氣既激昂，行復詭異，斥異端者益側目。」心隱爲張居正所殺；李贄則當時被目爲妖人。

宋元明之宗教——道教佛教喇嘛教天主教 道教自宋眞宗提倡後

道學

元代之耶教

，勢頗盛；徽宗時，太學中至特設道學一科。元定江南，世祖封江西龍虎山之張陵後裔爲眞人，命領江南道教，後遂世受封號；明清兩代皆因之。佛教、宋明以禪宗爲盛。元則有佛教別派之喇嘛教，特爲崇奉；喇嘛楊璉真伽統攝內地佛教，極其橫行。然蒙古轄地廣大，西接歐洲，歐洲之耶教傳來，燕京且築有教堂，當時稱爲「也里可溫」，卽今之天主

教也。元亡，交通遂絕。至明之中葉，歐人航海東來，於是天主教復入中國，日以興盛。

儒釋道之合流

初宋時，金王壽立三教平等會，欲舉儒家之忠孝

三教之調和運動

，佛家之戒律，與道教之修煉，融洽於一爐，謂之全真教。其後頗盛於元明。自中古期南北朝至唐，儒釋道三派各不相容，入本期則三教常有捨競爭而為調和之趨勢。宋之理學，即此種趨勢之產兒。明季有袁了凡者，取佛家果報地獄之說，附會以道教之太上老君（即老子），用以講儒家所重之禮教。其持論雖陋，頗取信於社會，流風直至於清世焉。

注 〔一〕戒律者，佛教徒所應守之禁條也。如五戒（殺、盜、淫、妄、酒）之類。

備覽 綜中國史上學術思想之流變，可分為五期：第一期上古，為中國學術思想單獨

發達時代；第二期中古，為印度學術東來時代；第三期近世前期，為中國與印度學術思想

合流時代；第四期近世後期，為歐洲學術思想東來時代；第五期現世，為中國與世界學術

思想合流時代。

提問要點

- 一 何謂理學？理學至宋始盛之原因有幾？
- 二 宋時理學派別，著者有幾？與朱熹同時而學說不同者，又有何人？
- 三 南北宋理學思想有何不同？元及明初之理學，以何家之說為最盛？
- 四 明王守仁之學說如何？
- 五 元明之時，除道教佛教外，又有何種宗教？

第九章 宋元明之文藝及平民文學

古文詩詞 宋之古文，有歐陽修曾鞏王安石蘇洵及其子軾轍，與

唐之韓柳，合稱八家。然宋文說理明暢，平易自然，視韓柳之奇僻為解放。後世之古文，大率宗之。宋詩不尚形式之美，以自然合理為歸，

宋詩自然
合理

故宋詩與唐詩並峙。後世之詩，率不外唐宋二派。宋詩人之著者，有蘇軾黃庭堅梅堯臣陸游等；黃之勢力尤大，學之者號為江西詩派。詞起於唐，至五代宋而大盛，實則解放詩之形式而為長短句，故詞亦稱為

詞可入歌

詩餘。宋詞人之著者，有蘇軾秦觀周邦彥辛棄疾諸家。周以精於音律稱，蓋詞本所以入歌者也。朱敦儒劉後村之詞，語尤自然，近於語體。女作家有李清照朱淑真等。後世之詞家，莫不宗五代及宋。元明兩代，均不能出此範圍。

注 〔一〕江西詩派之名，始於呂居仁之江西詩社宗派圖。其實宗派中人各處皆有，不過以黃庭堅爲宗派之祖，而庭堅江西人也，故名。

書畫

唐時書法，如顏柳歐等，結體均取方整板重。宋之書家推

書畫皆趨於解放

蘇軾黃庭堅米芾蔡襄四家，然均以自然生動爲宗，視唐之方整板重，爲趨於解放。元明之書家亦多因之。至於畫，則至元代而解放。元人極不滿意於界畫，黃公望倪瓚等以簡逸爲天下倡，從此畫風大變，以寫意爲尙，畫家得自由發展其個性矣。

注 〔二〕畫家作宮室樓臺，先用界尺作直線曰界畫。元湯屋謂「世俗論畫有十三科，

山水打頭，界畫到底。」

語體文之
始
平民文學
之曙光

語體文之流行

自唐代佛教盛行，高僧之語錄，率以白話爲之，

實開吾國近世語體文之新紀元。宋時理學家之語錄，亦用此體；而宋人詩詞，亦多參用俗語。影響所及，平民文學之曙光遂啟。及元以蒙古人主中國，政府多用蒙人，文告均以蒙文爲主。蒙人文化甚低，對於漢文，只能了解俗語，於是語體文遂成爲漢人蒙人共用之惟一工具。加以漢人不被重用，向來智識階級貴族階級所沿用之文字，當然不得勢。其時文學家之欲露其頭角者，不得不於語體求生活，於是平民文學大發達，而戲曲與小說遂應時而起。

注

〔一〕宋時白話詩詞盛行。邵雍伊川擊壤集詩：「不知何鐵打成針，一打成針便刺

心。料得人心不過寸，刺時須刺十分深。」黃庭堅詩田樂詞：「對景還消受。被個人把人調戲，我也心兒有。憶我又喚我，見我，喚我，天甚教人怎生受？看承幸則勾，又是尊前眉峯皺。是人驚怪，寬我忒攔就。撻了又捨了，一定是這回休了；及是相逢又依舊。」

戲曲 曲爲詞之餘，元王實甫之西廂記，爲北曲中流傳之最廣者

元曲之佳處在自然寫意

崑曲

。元代盛行北曲，及元末始有南曲，溫州高則誠作琵琶記，爲南曲中流傳之最廣者。元曲之所以佳，則曰自然，曰寫意；意興所至，描寫其胸中之感想，隨手寫來，並不有意雕琢。曲文一如白文，此所以雅俗共賞也。北曲每劇大部以四齣爲限（西廂記係五劇），又限以一人唱。南曲亦稱傳奇，每劇無一定之齣數；且以數人合唱，視北曲進步矣。北曲宜於絃索，南曲宜於管樂。至明崑山魏良輔更革舊習，備有衆樂，是爲崑曲，視元曲又進步矣。此種組織法，實爲今日戲劇之起原。

備覽 元之北曲，本稱雜劇，今傳者尙有百數十種。其名家除王實甫外，有關（漢卿）

（馬致遠）鄭光祖（白樸）四大家。南曲亦稱傳奇，今傳者除琵琶記外，有荆（荆）

（敘記）劉（白兔記）拜（拜月亭記）殺（殺狗記）各種。

小說 小說之起原甚古，然多爲文人學士之消遣品。至市井間可

以通行之白話小說，大約起於唐末五代，至宋而大盛。宋仁宗時，天下無事，每日進一奇異事以爲娛樂，頭回之後，繼以話說，其體例則宣

白話小說之始

和遺事頗近似之。而汴京民間娛樂之雜技藝中，亦有「說話」一項；執此業者曰「說話人」，說話之本曰「話本」，大抵真假捏合而成。是知宋時朝野上下均嗜小說，小說所由盛行也。然宋時雖盛行小說，卻無名著流傳。流傳最廣者，爲元施耐庵之水滸傳，明羅貫中之三國演義。

注 〔一〕清光緒中、燉煌千佛洞發見藏經，內有俗文體之故事數種，蓋唐宋五代人所鈔也。詳見魯迅中國小說史略。〔二〕宣和遺事不著作者姓名，有以爲宋人所記者。上卷

記宋徽宗之荒淫，下卷記當時社會之亂況；而記宋江等之事尤詳，似爲水滸所自本。其書半爲文言，半爲當時語體，確爲未成熟之章回小說。

提問要點

- 一 試舉宋人詩文家之著名者。詞至宋大盛，有何著名之作家？
- 二 書至宋而解放，畫至元而解放，試舉其著名之作家。
- 三 自唐而還，語體文漸以流行之故何在？其與戲曲小說之發達，有何關係？
- 四 戲曲盛於何代？試舉其流傳最廣者？

五 小說之起原如何？至何時始有何種名著出世？

第十章 滿清盛時之控馭漢族

猜防之政策

清既取明之天下而代之，漢族之不服者，所在皆是。

八旗駐防

，因而重要之都會地點，駐滿洲八旗兵以鎮壓之，謂之駐防。清之大臣官吏，多用滿人，蔑視漢族。而明末之士大夫，亦往往眷念故國，於是屢興大獄，以爲一網打盡之計。茲舉最著者二事：

(1) 奏銷案

明清之際、江南人文稱盛，而反清之氣釁尤高。順

治末年，乃借欠餉事以挫折之。江南賦役，本重於他省，其時又苛捐雜稅百出，民力尤難堪。撫臣朱國治造欠冊，除平民外，悉列江南士紳（蘇松常鎮四屬）一萬三千餘人，號曰抗糧。得旨盡行褫革，並發交本處枷責鞭打；雖欠一文錢者，亦不得免。此可見仇視士紳之一斑。

被誣一萬
三千餘人

(2) 莊史案

康熙初年、浙江烏程人莊廷鑑，著明書，中有指斥

殺七十餘
人被逮數
千人

清朝語。事發，廷鑕戮尸；凡校閱參訂及與書有關者，雖刻工書買購書者，均不得免。凡殺七十餘人，妻子均流戍不等；因關係而被逮者數千人。此可見文字獄之一斑。

注 〔一〕探花葉方講只欠一錢，亦被剝革，民間有「探花不值一文錢」之語。〔二〕

明書焚燬，不知其內容。惟知其中於清太祖直書其名，及隆武永曆之卽位正朔，皆大書特書，數事而已。

牢籠之政策 士大夫之眷念故國者，既不肯仕清，清乃復用牢籠

博學鴻儒
科

之政策。康熙十七年，特開博學鴻儒科以搜羅之，凡宿學之士，責令京

修明史

外官保舉應試；有不願應者，亦必百計強迫以行。凡取五十人，授以翰

林，卽使之修明史，以銷磨其眷念故國之心。一面又獎勵理學，提倡程

朱，於是宋學大興。及乎乾隆時，又提倡漢學，搜集遺書，開四庫全書

館，集一時之名彥，詳爲校勘。而書籍之有民族思想，不利於清者，銷

四庫全書

燬之，其輕者則竄改之。及四庫全書成，鎮江揚州杭州各分一部，建閣

貯藏，以便人民觀覽，實亦兼以範圍江浙之人心也。

備覽 乾隆二十九年諭：「明季造野史者甚多……必有抵觸本朝之語，正當及此一番查辦，盡行銷毀。……此等筆墨妄議之事，大率江浙兩省居多。……至各省已經進到之書，見交四庫全書處檢查，如有關礙者，即行撤出銷毀……」計共銷毀二十四次，五百三十八種，共一萬二千八百六十二部，可謂書籍之一大厄。又乾隆四十一年諭：「……南宋人之斥金，明初人之斥元，其悖於義理者自當從刪，涉於詆訾者自當從改。」是則因宋人斥金，明人斥元，易於激起民族思想，亦一并觸忌，而舊書均被刪改矣。

雍髮易服

漢人滿化政策 滿清力欲使漢人受其控馭，故清初雍髮易服之令，最爲嚴厲執行。漢人大爲不服，大江以南，明之遺臣義士因人心之憤激，紛紛起兵反清。蓋漢人素以「衣冠之族」自命，卽如元人入主中國，亦不更易服式。服式之改從滿制，實爲漢族生活上之大變化。此外則滿清更以利祿爲餌：初、明軍之降清者，卽編爲「漢軍八旗」，後遂因之而開漢人投旗之例。蓋以仕進之途，滿人遠優於漢人，投旗以後，

漢人投旗之例

一切權利，即可與滿人同等故也。

注〔一〕南京福王顛覆後，滿清宣布雍髮易服之令。江南民兵紛起；如陳子龍等之起於松江，吳易等之起於吳江，閻應元陳明遇等之起於江陰，金聲等之起於績溪，皆是也。

滿人之漢化

滿清盛時之諸帝，因猜防漢人，故研究漢人之文化

，以爲張本。聖祖手不釋卷，號稱好學，經學、文學、天象、輿地、曆算、音樂、醫學，無不通曉，且旁及蒙古西域拉丁文字。世宗以嚴明精刻稱，奏章批答，動輒千言，文字曲折明暢，雍正上諭一書，龐然巨編，實不過一部份；其未刻之稿，尙如山積也。高宗亦好弄筆墨，有樂善堂詩文集之刊行。諸帝既提倡於上，滿人咸化之，馴至失其騎射尙武之風，而以文采風流相尙。納爾性德及顧太清（奕繪貝勒之婦）之詞章，卓然成家；文康之兒女英雄傳亦膾炙人口；熙朝雅頌所收錄八旗詩人，得數百家。而鄂昌至忘其身爲滿族，詩中竟有「胡兒」字樣，高宗大怒，因此伏法，成爲文字獄焉。

滿清諸帝
研究漢人
文化

備覽 雍正二年、吉林官吏請於該地建造太廟，教滿漢子弟讀書應試。世宗御其奏曰：「我滿洲人等自居漢地，不得已而與本國習日相遠。惟烏喇（即吉林）寧古塔等處兵丁，不改易滿洲本習。今若崇尚文藝，……俱專意讀書，不留心武備，卽果能力學，亦豈能及江南之漢人。……」可見雍正時入關之滿人，已漸同化於漢族。然自入關以來，其力保固有風俗，始終不改。至高宗猶患滿人之漸染漢習，作滿洲源流考。其中引國初太宗戒羣臣言，屢引金世宗「毋忘練習騎射，備武事」之語。高宗而後，清代諸帝，遂無復以此爲念者矣。

提問要點

- 一 何謂駐防？駐防有何作用？
- 二 如何壓抑或牢籠明末之士大夫？其用意又何在？
- 三 用何政策使漢人滿化？
- 四 滿清諸帝，何故研究漢人之文化？其結果則如何？

第十一章 滿清盛時之控馭蒙回藏三族

喇嘛教與回教之分布情形 蒙古西藏奉喇嘛教，天山南路奉回教。蒙回藏三族之歷史，與宗教有密切之關係。今將述滿清之兼併三族，當先明喇嘛教與回教分布之情形。分述如下。

(1) 喇嘛教之情形

喇嘛爲印度佛教密宗之一派，唐時傳入西藏

——吐蕃。其徒不禁娶妻生子，服色尙紅，然末流專以密呪幻術爲重，頗流於腐化。明永樂時，有改良喇嘛教之宗喀巴出，尙苦行，排幻術，禁娶妻，其徒服色尙黃，是爲黃教；對舊教遂別稱之爲紅教。宗喀巴有大弟子二：一曰達賴，一曰班禪。其傳授之法曰呼畢爾罕（轉生或後身之義），謂達賴班禪不死，當輾轉出現以救世也。適達賴一世卽爲藏王後裔，於是黃教遂有西藏政治權。達賴三世有高德，蒙古信仰之，俺答迎之至漠南說教；已而自前藏青海以至漠南漠北，皆爲黃教之勢力範圍。而喀爾喀且奉宗喀巴第三弟子哲卜尊丹巴之後身置之庫倫，稱爲活佛，是爲庫倫活佛之始。而紅教則被壓迫，僅行於後

黃教紅教

庫倫活佛之始

藏而已。

(2) 回教之情形

天山南路舊屬於察罕台汗國；明初又併入於帖木兒帝國。帖木兒信回教，明中葉時，教祖謨罕默德之後裔，加利宴及伊撒克兄弟，復說教於喀什噶爾（疏勒）。喀什噶爾者，察罕台後裔所建國，而附屬於帖木兒帝國者也。時方統一天山南路，因之回教之勢力益盛。加利宴之門徒稱白山宗，伊撒克之門徒稱黑山宗，各奉師說以相傳播。及喀什噶爾衰，白山黑山兩派，遂代握天山南路之政權，於是兩派以互爭勢力之故而不相讓矣。

注 「一」天山南路，本蒙古族爲多；惟以信奉回教之故，而稱爲回部，今遂概稱爲回族矣。

噶爾丹之稱霸厄魯特

初、瓦剌之衰也，徙居天山北路，稱爲厄

魯特蒙古，共有四部，以利碩特部與準噶爾部爲強。清初既定內蒙古；外蒙古之喀爾喀三部，亦通好請盟。獨厄魯特以僻在西北，未歸附。

天山南路
盛行回教

噶爾丹

既而準部噶爾丹汗立，雄略有爲，襲破和部，統一厄魯特，威脅西藏，青海回部均入其勢力範圍，復東出圖喀爾喀。喀爾喀自明季以來，崇奉喇嘛，怠於武事，勢日衰。噶爾丹兵至，不能禦，乃投漠南而降於清。噶爾丹遂并有漠北。是時噶爾丹之勢力，直包圍清之西部與北部矣。

注 [一] 1. 和碩特、居烏魯木齊附近；2. 準噶爾、居伊犁；3. 杜爾伯特、居厄爾齊斯

河流域；4. 土爾扈特、居塔爾巴哈臺附近；總謂之厄魯特蒙古。

康雍乾三朝與厄魯特之抗衡 康熙三十七年、清聖祖親自策兵大

喀爾喀還
牧舊地

三音諾顏
之崛起

舉攻噶爾丹，噶爾丹敗走。其兄子策妄阿布坦據伊犁而叛，噶爾丹窮蹙，自殺。策妄獻其屍於清，漠北平。於是喀爾喀三部還牧舊地，而隸屬於清之版圖。世宗時，策妄死，子噶爾丹策零嗣。雍正九年、清傅爾丹等進攻準部，大敗。策零遂東略喀爾喀，然爲三音諾顏之策凌所破，乃議和，以阿爾泰山爲界。高宗初，策零死，準部衰。輝特部長阿睦撒納復霸厄魯特。高宗命兆惠進攻，阿睦撒納敗死。兆惠搜山剔谷

天山北路

，殺厄魯特人殆盡。由是厄魯特蒙古亡，天山北路定，設將軍於伊犁以鎮守之。

注 「一」「三音諾顏」、成吉思汗十八世孫圖蒙肯所始建者也。明季喀爾喀有紅黃教之爭，圖蒙肯尊黃教，爲護持，達賴喇嘛贊之，授「三音諾顏」號，令所部奉之如軍臣土謝圖扎薩克三汗。「三音」唐古特語，善也。「諾顏」蒙古語，謂官長也。然仍隸土謝圖汗。策凌既破噶爾丹策零，以功，清封之爲和碩親王，乃不復隸土謝圖。自是喀爾喀分四部。「二」當準部之盛也，土爾扈特部長其逼，徙居俄羅斯境，有輝特部起而游牧其地。

西藏之兼併

西藏之命運，繫於厄魯特。初、西藏有紅教黃教之

全藏統一
於黃教
呼畢爾罕
之爭

爭，黃教得和碩特部之援，擊敗紅教，由是達賴居前藏，班禪居後藏，全藏統一於黃教。及準噶爾部稱霸，西藏又句結準部。會達賴六世立，青海諸蒙古不服，以爲僞達賴，而別立達賴六世。於是「呼畢爾罕」之爭起。時準部之策妄阿布坦稱強，卽遣兵入藏，囚僞達賴六世。清兵乃自四川入藏，敗準兵而逐之，順藏人之心，承認別立之達賴六世。時康

西藏爲藩屬

熙五十九年也。西藏乃爲清之藩屬。尋又設駐藏大臣於拉薩。乾隆中，並用「金奔巴」以弭「呼畢爾罕」之爭。西藏從此無事者百餘年。

備覽

清既逐準兵，平西藏，爲永息紛爭計，乃有「金奔巴」之法。「奔巴」、藏語

瓶也。高宗頒金瓶二，一貯西藏大招寺，一貯北京雍和宮。凡達賴班禪及蒙古活佛轉生時，遇有爭議，則書名於籤，納諸金瓶而掣定之。

回部之兼併

回部之命運，亦繫於厄魯特。清初、喀什噶爾汗奉

黑山宗，而白山宗首領亞巴克——教祖謨罕默德後裔，因西藏之介紹，求援於準部之噶爾丹。噶爾丹即以兵入喀什噶爾，立亞巴克爲汗，而遷舊汗族於伊犁，於是白山宗得勢。回族代蒙古族統轄天山南路，而服屬於準部。後黑山宗又一度得勢。及厄魯特之亡也，白山宗之大小和卓木兄弟，又獨立拒清兵。兆惠乃平厄魯特而南下，回部亦平，設參贊大臣於喀什噶爾。是時天山南北皆入清版圖，清威震於葱嶺以西，教罕阿富汗等國，皆遣使入貢。

天山南路

備覽 白山宗依準部之力而得勢後，及準部之策零死，黑山宗又得勢，逐準兵而獨立。及阿睦撒納舉兵抗清，又利用白山宗之大和卓木布羅尼特小和卓木霍集占兄弟助之，稱雄於回部，以張已勢。兆惠兵至，和卓木兄弟皆爲所戰敗，逃出葱嶺，投巴達克山，爲巴達克山會長所殺；函其首以獻於清。

提問要點

- 一 喇嘛教有何派別？其傳佈之情形何若？
- 二 天山南路之回教有何派別？
- 三 厄魯特在現今何地？厄魯特中之稱強者爲何部？
- 四 西藏新疆回部與厄魯特有何關係？
- 五 滿清兼併蒙回藏三地，試述其先後次序，并其所以然之故。

第十一章 滿清盛時之經略西南

西南苗患與改土歸流 自明太祖時、沐英鎮守雲南，成祖時、始置貴州等處布政司，西南雲貴兩省，乃漸開闢。然西南各省，苗族雜居

改土歸流

其間，文化猶未盡開。苗族者、蓋交趾支那種之散處於西南各省。邊境者也。自元代征服西南諸苗，先後降附，乃設土司以治之，予以完全自治權，其長皆本族人世襲；然劫殺性成，西南各省人民頗苦之。清世宗時，雲南巡撫鄂爾泰建「改土歸流」之策，招撫貴州東西南三面生苗二千餘寨，開闢貴州東南苗疆二三千裡，劾黜雲南霽益等土官，悉定瀾滄江以東地。廣西諸土官自泗城之岑氏以下，亦先後繳敕印，納軍器，雲貴廣西三省始粗定。

注 「一」在四川者，謂之夔；在兩廣者，謂之獠黎；在湖南貴州者，謂之獠；在雲南者，謂之裸，亦謂之野人。其人語言風俗，皆不與中國同。

大小金川之開闢 四川邊境有金川土司，明時分爲大小金川兩部。清高宗時，勢漸強，并吞隣部打箭爐附近諸土司。高宗曾命將征服之，旋復叛。最後由阿桂等經兩年之久，幾歷艱辛，始能平定，乃收大金川爲阿爾古廳，小金川爲美諾廳，皆直隸四川省。此役也，需時五年，

大小金川
平定

清國力竭
歐之端倪


費帑七千萬。蓋清室武功極盛時代，歷康熙雍正乾隆三朝，凡百年，至此役而竭蹶之端倪已見矣。

安南緬甸暹羅之服屬 安南舊名

安南爲清之朝貢國
緬甸入貢
暹羅受冊封

交趾，本秦象郡，向隸中國版圖，唐於其地置安南都護府，爲安南之名所自始。五代時，始獨立。明初，又曾一度隸屬明郡縣，不久即獨立。康熙中，大越王黎維禛受清冊封爲安南國王，自是安南爲清之朝貢國。乾隆時，緬甸頗強，常爲滇邊患，清屢出師攻之；後卒以清軍苦瘴癘，而緬人亦以與暹羅有爭土地之事，乞和於清，遂受冊封，爲朝貢國。暹羅自乾隆時漢人鄭昭爲國王，即遣使朝貢於清。昭死，子華繼立，仍入貢，受清冊封，即今暹羅王室始祖也。

滿清盛時略西南圖



合五族爲
一家自此
時始

注 「一」鄭華本遼羅人，爲昭曷子，或云爲其婿。

滿清之大版圖 滿清一代，創業者爲太祖；并漢族而入主中國者，爲世祖；兼并蒙回藏三族而成一大帝國者，爲聖祖世宗高宗三朝。故清之版圖，除服屬朝貢之國不計外，北界西伯利亞，西接蔥嶺，西南隣印度，東與南皆抵海，且包有臺灣。近世史上除元代外，皆不能比。合漢滿蒙回藏五族爲一家，自此時始，實已開現代史之第一步。

提問要點

- 一 何謂「改土歸流」？改土歸流曾行於何省？
- 二 何時開闢大小金川？此役所費幾何？
- 三 安南暹羅緬甸與中國之關係如何？
- 四 試述滿清盛時之版圖。

第十三章 滿清盛時之外交

俄羅斯之東侵 自俄羅斯顛覆欽察汗國而復國後，勢漸強，利用

第三編 第十三章 滿清盛時之外交

俄國侵占
雅克薩

哥薩克人向東侵占西伯利亞，直達鄂霍海岸，南與外蒙古接界。民國前二百六十餘年時，乘滿清經營中國，不暇注意東北，遂進至黑龍江北岸，侵占雅克薩，築雅克薩城；旋更著著進逼，築塞於精琦里河上流，以為策應。清聖祖乃出師與之相持於雅克薩。

注 〔一〕哥薩克人本小俄羅斯（今烏克蘭）之一部，後徙頓河流域，成為強大之民族，以練武掠奪為事。其會因得罪於俄帝伊凡四世，乃請征西伯利亞以自贖。

中俄之劃界 時俄以戰地距國都太遠，接應不便；清亦不願勞師

遠征，乃於民國前二二三年（康熙二十八年），議和於尼布楚。清使索額圖以大兵自隨，態度強硬，俄人不敢強爭，乃議定：沿外興安嶺至海，為中俄兩國境界；西則以額爾古納河為界；毀雅克薩城。越三十年，俄復遣使來請，改訂商約；約未成，留其副使而去。是為外國使臣駐北京之始。

清使態度
強硬

駐使中國
之始

中俄通商情形 民國前一八五年（雍正三年），俄復請訂約，乃

恰克圖條約

與訂恰克圖條約，定恰克圖爲兩國通商之地。俄商得三年一至北京貿易，以二百人爲限，留京不得過八十日。然自後兩國邊境上常因細故爭執，而禁止俄人通商。最後至乾隆末，以俄人悔禍之結果，復與通商，約中有「大皇帝不忍爾小民困窘，……是以允行；若復失和，罔再希冀開市」之語。

約詞強硬

市」之語。

海關

中英通商情形

清初以防禦臺灣鄭氏之故，嚴申海禁。至康熙中

加稅自由

，海禁開，英人復來通商。清乃師歷代市舶司之意而設海關，當時以粵海關（廣州）與浙海關（寧波）爲最發達。後以粵海關之稅則重，英商羣趨浙江之舟山寧波等處。乾隆中，復加重浙海關之稅以困之，英商大挫；又轉而趨廣東。於是乾隆末，英使馬嘎爾尼至中國，要求推廣互市地及減輕稅則。在途次，清政府強使監英國貢船旗幟；覲見時，強使行叩頭禮；而所要求者，則駁斥不准云。

提問要點

- 一 俄人何故侵占雅克薩？
- 二 尼布楚條約之締結，及其內容如何？外使駐京始於何時？
- 三 恰克圖條約後，中俄通商之情形如何？
- 四 何時始設海關？當時海關之最發達者爲何地？其加稅是否自主？試就當時史實，說明之。
- 五 因海關加稅英商所受之影響如何？

第十四章 滿清外交失敗第一聲——江寧條約

鴉片交涉

中國自清代後半期以至今日之局面，皆由清政府與歐美日本各國所訂不平等條約有以致之，而首訂此項條約者則爲英國，其事則起於鴉片。自明末許葡萄牙人通商後，葡人即曾販運鴉片，銷售中國。然清初輸入者猶只數百箱。至乾隆時，由英人經營此項貿易，其輸入額乃大增，多至四千餘箱。自是之後，中國到處有鴉片矣。清政府知其害，屢下令禁止之，不能斷絕。清宣宗道光中湖廣總督林則徐上書

中國到處有鴉片

痛陳鴉片之流毒，謂「煙不禁絕，國日貧，民日弱。」清遂派則徐爲欽差大臣，赴廣東查辦。則徐至廣東，即勒令英商繳出鴉片三萬餘箱燬之，且斷絕其通商。

注 〔一〕湖廣指湖南湖北兩省言。元時置湖廣等處行中書省，實統今兩湖兩廣言。明分爲湖廣廣東廣西三布政使司，湖廣一名，乃始專指兩湖。

中英開釁 英人以前此屢次通商上之種種要求，不能達目的，乃以武力求解決，派兵艦來廣東。因則徐防備嚴，不能得手，遂沿海北上，占領舟山羣島，封鎖寧波；更北上窺伺大沽。各省長官皆以爲此事實由則徐釀成，清政府亦以爲則徐處置失當，乃命琦善往廣東代則徐。琦善至，即與英人議和，議定賠償煙價七百萬圓。英人要求割讓香港，琦善亦許之。清政府以爲割地償金仍不能斷絕鴉片之輸入，將琦善免職，由是再與英人開戰。英益增兵，占據香港，攻廣東，復沿海北上，由上海入長江，直逼江寧。清政府不得已，復派耆英伊里布與英人議和。

英軍逼南京

江寧條約 著英伊里布至江寧，遂與英將璞鼎查 Henry Pottinger

於民國前七十年，即公曆一八四二年，訂江寧條約，其重要之條款爲：

(1) 償鴉片價六百萬圓，商欠三百萬圓，軍費一千二百萬圓；(2) 割讓香港

予英，開廣州、廈門、福州、寧波、上海、五口爲商埠，許英人居住貿易，

並得派遣領事專理商賈事宜，——是爲各國在中國派駐領事之始；

(3) 秉公議定關稅則例，——尋根據此約與英國訂定關稅值百抽五。於是

英商減輕稅則之目的達；吾國所欲杜絕之鴉片，則輸入反便利。且自此

約訂後，法、美等國，亦均援英例締約。由是滿清之統馭力失墜，中國門

戶洞開，實開帝國主義侵略中國之第一幕。

江寧條約之影響 江寧條約既開協定稅則之惡例，剝奪吾國之關

稅自主權；且自該約成，我國應償之款爲二千一百萬圓，先交六百萬圓

，餘以關稅爲擔保，英國遂派商務監督及領事於五口，實行管理海關，

而海關行政亦受其干涉。自是各國援例，亦各自征收其國人之進口稅，

各國派駐領事之始
協定稅則

法美等國
援例訂約

海關行政
受人干涉

以交付中國。後雖曾一度收回此項行政權，然於民國前五九年，因太平軍之役，稅關不能行使職權，仍許各國領事之請，將海關歸之外人保護之下。又與英美法領事協議，於三國僑商中選代表各一人，協理稅務。一年後，更派英代表李氏 Henry 爲總稅務司。自是海關行政遂落外人之手，中國反不能過問。民國前十四年且以正式公文向英國承認總稅務司必用英人矣。

提問要點

- 一 陷中國於次殖民地之地位，有如今日者，試推究其禍源。
- 二 鴉片如何傳入中國？林則徐如何查辦鴉片案？
- 三 漢人解決鴉片案之所以出於武力者有無前因？中英既開釁，清政府之處置，是否有失當之處？

四 江寧條約之內容如何？

五 江寧條約之影響於中國國計民生者，何事最爲重大？

第十五章 太平軍之起滅及其影響

滿清統治力失墜之原因 清至乾隆時，可稱極盛，而衰替之端已

漢族之民
族思想

啟。蓋既因天山南北大小金川之用兵，屢次江南之遊巡，所費無數，財
用日空；又因寵相和珅，招權納賄，內外官吏，搜括民財以供其貪，
民生日困，反抗易起。而總原因則漢族之民族思想，暗中活躍頗劇，往
往託名明裔以起事。白蓮教者，一種下層階級之祕密集會，與明末遺民
所傳播之反清思想，有多少之關係。乾隆末、白蓮教徒劉之協，奉鹿邑
幼童王發生詭稱明裔朱氏，欲因以起事。事發，發生被捕，之協逃，清
廷嚴緝之，豫鄂皖三省輾轉追究，株連數千人。民國前一二六年（嘉慶
元年），白蓮教徒遂大舉反清，響應者紛起，蔓延遍鄂川陝甘豫五省，
前後歷九年，軍費達二億兩，事始平，是曰川楚白蓮教之役。是役也，
八旗兵與綠營兵，俱不中用，大半仗民間自辦之團練，滿清不能統馭漢
族之弱點，完全暴露矣。

白蓮教蔓
延五省

民間之團
練

注 〔一〕據仁宗嘉慶元年籍沒和坤財產之上諭，謂和坤遺產，共計一百零九號，內八

十三號尙未估價；其已估價者，合算共計值銀二億二千三百八十九萬五千一百六十兩。

〔二〕綠營卽綠旗兵，起於明時。清入中國後，因其制，以招練漢人之兵。

近世大事
往往與廣
東有關

洪秀全起
兵金田村
太平天國

太平軍之崛起 自唐以來，中外交通上，以廣東爲最盛；其受外來之影響亦最大，故近世之大事，往往與廣東有關係。洪秀全者、廣東花縣人，本一儒士，後信基督教，頗吸收其思想，創立上帝教，以上帝爲天父，以耶穌基督爲天兄，而已則爲上帝之次子，天下之人，男皆兄弟，女皆姊妹，倡爲博愛平等之說，乘廣西饑饉之後，於道光末年（民國前六二年）起兵於廣西之金田村，以反對滿清爲號召。其徒皆蓄髮，復漢族之舊觀。及占領永安州，建國曰太平天國，自稱天王，封其將楊秀清韋昌輝石達開等爲王，遂北向湖南出洞庭湖，由武漢直下長江，得南京而都焉，改名天京。乃遣兵四出，已則居守南京。時歐美人士目爲革命軍，至請其本國政府宣告中立。

注 〔一〕金田村在廣西桂平縣附近。

備覽 太平軍之教義，以爲天下之人，悉天父之子女，故男皆兄弟，女皆姊妹，均當享天父之大福；有田同耕，有飯同食，有衣同穿。既得南京，遂建均田之制；凡土地田畝，不得爲私有；男婦十六歲以上，每歲得受田而耕之；十五歲以下，則給其半。金錢亦不得私藏，凡貯銀十兩、金一兩者，則爲私藏犯，須處罰；又禁鴉片，戒飲酒，禁止奴隸、娼妓，不許蓄妾纏足。

太平軍之敗亡

帝王思想之誤

滿清以漢族攻漢族

江太平軍內

創立上帝教，亦爲漢族多數心理所不喜。是時清兵已無能爲，乃利用「以漢族攻漢族」之政策，而有曾國藩之湘軍。湘軍本團練，國藩將之出武漢，沿江而下，收復江北，壓迫其戰線，蹙之於江浙一帶。時太平軍中之內訌亦起，諸王自相殘殺，勢益弱。國藩乃命左宗棠圖浙江，李鴻章別練徐淮健兒爲淮軍，圖江蘇。歐美人對於太平軍之觀念，亦改變。美人華爾 Ward 英人戈登 Gordon 悉加入於上海官民合辦之常勝軍

江浙既爲李左所占，秀全困守南京，服毒死。民國前四八年，南京陷，其餘各軍，亦皆敗亡。計太平軍所至之地及十六省，戰事經十五年。

注「湘軍討太平軍之檄文有：『士不能誦孔子之經，而別有所謂耶穌之說，新約之書，舉中國數千年來禮義人倫詩書典則，一旦掃地蕩盡，……乃開關以來名教之奇變。』

我孔子孟子之所痛哭於九泉。……」云云，正利用當時人之此種心理。「揚秀清有取秀全而自代之意，秀全密令漳昌輝殺秀清；秀全旋又被昌輝。」

捻軍與太平軍結合

與太平軍有關之捻黨 當太平軍攻陷南京時，江蘇安徽山東河南湖北五省交界處，各捻軍乘勢紛起。捻軍以馬隊爲前鋒，大隊在後隨之，攻掠極迅速，與太平軍相結合，勢頗盛。及太平軍滅亡，湘軍暮氣亦深，乃用李鴻章之淮軍攻之；最後蹙之於黃河附近之運河以東，捻事乃平。

注「游民相聚劫掠，一聚爲一捻。一說：捻者河南安徽鄉民迎神賽會，燃油紙捻爲龍戲之名。」


與太平軍有關之西北回軍 陝甘之回族，大約自元時徙入，與漢

回人乘機
反清


新疆崛起
王國
外債之始

民雜處，常以清廷官吏處置不得宜，而起衝突。當太平軍之後半期，洪秀全派其將陳得才聯合捻黨，攻入陝西時，渭南一帶回人乘機反清。及太平軍亡，清命左宗棠為陝甘總督，抵禦回軍。回族首領馬化隆被斬，餘回多降。而白彥虎則率殘兵西投阿古柏。阿古柏亦回族，時方依敖罕王之勢力，稱王於喀什噶爾，占有新疆之大半。宗棠乃借外債充軍餉，——是為中國借外債之始——出玉門關，先定天山南路，阿古柏夏服毒死。時已清德宗光緒四年矣。越七年，即民國前二七年，乃改天山南北為新疆省。

圖 軍 回 北 西



圖軍平太及策中清



兵權政權
漸落於漢
人之手

滿漢勢力之消長 清廷「以漢族攻漢族」之政策雖達目的，然軍·淮·軍先後當國防軍之任，始專任漢人以兵權，而政權亦自此漸落於漢族之手。漢族得握有政權兵權，後日之所以能顛覆清廷者，此亦其原因之一也。

提問要點

- 一 漢人在滿清壓抑之下，民族思想至何時始能漸形活動？白蓮教之勢力如何？其與此後之中國民族運動有無影響？
- 二 試舉史實，說明廣東在中國近世史上之價值。
- 三 太平天國失敗之原因何在？試舉其尤要者述之，以明民族革命之真諦。
- 四 繼漢族起而為反清運動者，又有何族？其結果又如何？
- 五 中國借外債始於何時？
- 六 以漢族攻漢族之結果如何？

第十六章 英法俄之乘機侵略

第三編 第十六章 英法俄之乘機侵略

亞羅船案

英法聯軍之起因

太平軍之崛起於大江以南也，同時北方復有英

法聯軍之役。咸豐六年，粵水兵入商船亞羅 Arrow號捕人。亞羅本中國商船，而註冊英籍，懸掛英國國旗者。粵兵捕人時，偶拔去英國國旗。

英法陷廣州

英領事巴夏禮 H. S. Parkes 遂以此爲藉口，致書詰問兩廣總督葉名琛。名琛以爲中國兵捕中國人，與英人無關，置之不復，亦不爲備。值廣西又發生殺死法教士事，英遂與法聯軍陷廣州，擄名琛而去。

天津條約及北京條約

廣州陷後，英法兩國皆派全權公使，致書

清政府，請其派員共同商議善後之法。清政府不理，英法聯軍遂由海道北上而陷大沽，進逼天津。清政府不得已，乃與之訂天津條約，其重要者爲：(1)允許教士入內地傳教，商船得航行內地，英法人民得往內地游歷；(2)除前開五口外，更開營口、煙臺、臺灣、汕頭、瓊州、等處爲商埠；(3)英法兩國人民訟案，不論人產皆歸兩國自行辦理；(4)償金四百萬兩予英，二百萬兩予法；時民國前五四年即公曆一八五八年也。明年、

領事裁判權之濫觴

九龍被割

英法各派公使來換約，至天津，清僧格林沁攔擊其船，死傷甚衆。於是聯軍再至，陷天津，進逼北京，燒圓明園。清文宗避往熱河，聯軍遂據北京。俄公使伊格那提夫 Ignatiev 出而調停，更結北京條約：(1)實行天津條約；(2)增開天津爲商埠；(3)償金，英增爲一千二百萬兩，法增爲六百萬兩；又割香港對岸之九龍予英；時爲民國前五二年。

天津條約之影響

中國自江寧條約成，外國始設領事於各商埠。

至此次天津條約，乃訂定英法兩國屬民相涉案件，不論人產，皆歸其領事辦理，於是更予外國領事以裁判權。訂約之初，不過謂各依其本國法律，審判治罪耳，故必犯罪者爲外國人則然。繼而入外國籍之華人，亦由領事裁判矣；由是而擴張之，外國人雇用之華人亦包括在內。始而訴訟者兩造中有一方爲外人則用之；繼而租界中兩造皆華人亦通用之。於是事涉租界，即非中國統治權所及，此種破壞國家主權之領事裁判權，實天津條約所留之傷痕也。

中國法權不及租界

愛璦條約

東北失地 先是俄人遠東之經營，自尼布楚條約成，頗爲之一挫。及清政府內困於太平軍，外逼於英法聯軍，俄將莫拉維哀夫 *Moraviev* 乃乘機率兵下黑龍江，迫脅清政府，訂立愛璦條約，割黑龍江北岸雅克薩一帶之地歸俄，時民國前五四年也。至英法第二次聯軍入據北京，俄公使伊格那提夫出而調停，故又與訂北京條約，割讓黑龍江烏蘇里江東岸一帶以報酬之。於是俄人不損一兵，坐得巨大之地以去。

北京條約

西北失地 當西北回軍反清時，阿古柏帕夏占領新疆之大半，而伊犁之地，則俄人乘機占領之。及清廷既收復新疆，乃遣崇厚至俄交涉，崇厚爲俄人所脅，除許償俄國五百萬盧布外，復許割伊犁南部天壇河上流兩岸地。朝議大譁，乃下崇厚獄，令曾紀澤赴俄，卒以紀澤之力爭，左宗棠亦聚兵哈密以備戰，民國前三一年即公曆一八八一年，乃結新約，償俄九百萬盧布，收回伊犁，割棄霍爾果斯河以西地。

提問要點

一 一八五八年天津條約締結之原因及內容如何？其內容之最有害於中國主權者為何項？
二 因江寧條約中國失關稅自主權，因天津條約外國得領事裁判權，此種不平等條約，對中國民族有何影響？

三 清初尼布楚條約中，中俄國境以何地爲界？自訂愛璦條約及北京條約後，則又如何？
四 伊犁新約爲何而締結？其內容如何？

第十七章 西南邊防與英法

法人垂涎雲南之動機 當太平軍之與清劃江對峙也，同時圖脫離清之統治者，尙有雲南之杜文秀。文秀本永昌之回，以反清爲清軍所破，潛居蒙化，復糾合當地回民起事，占領地逾雲南全省之半，省城亦幾不保。代理布政使毓英乃利用降回馬如龍，分兵先後收復附近州縣，更以兵逼大理，文秀窮蹙自殺，事始平。當馬如龍用兵時，有法商久辟西者，垂涎雲南礦產之富，欲得航行紅河之權，以通雲南，遂乘如龍糧械告竭之時，許代輸運以探測紅河。既探得紅河航運便利，遂懲慮法

杜文秀反清之影響

法人經營
安南之動
機

軍進兵安南，以圖獲得紅河航行權。

注 〔一〕紅河亦曰富良江，發源雲南，爲安南北部第一大河流，入東京灣。

法國之經營安南 初，安南王阮福映之開國，嘗借助於法人，因與法約，割讓化南島予法，且許其自由通商。及事成，法人責其履行條約，且藉口安南政府虐待法教士，遂進兵安南，入湄公河，拔西貢，取下交趾地。至是欲由紅河通雲南，遂縱兵入據河內。時太平軍餘黨劉永福以其所統之黑旗軍，據紅河上流之老開，安南藉之以擊法人。法人敗，與安南締約，承認其爲獨立國，使與中國斷絕關係，而取得紅河自由通航權。後安南有亂事，中國派提督馮子材爲之平亂。法人又藉口安南背約而進兵。中國兵不能制。法遂與安南再訂約：以安南爲法保護國，時民國前二九年也。

法越締約

安南爲法
保護國

注 〔一〕河內係安南之首都，在紅河下游。

中法戰役 清政府知是約成，大反對，一面使劉永福擊法兵，遣

法國勢力
侵入雲南

岑毓英進兵諒山^{〔一〕}；一面與法國交涉，不承認此約。時中國兵之在安南者戰不利。民國前二八年，李鴻章與法成和議，允讓東京^{〔二〕}。時守安南之中國軍官尙未知，於法軍至諒山接收時，突擊之，法軍死傷甚多。法人以爲背約，索償金一千萬鎊。清政府拒之，法遂派軍艦，出南洋，攻臺灣、福州；旋爲督辦臺灣軍務劉銘傳所敗，法將孤拔又死於澎湖。馮子材蘇元春等復敗法軍於諒山。法軍氣沮。會李鴻章復與法議和，民國前二七年，即公曆一八八五年，訂約於天津：承認安南爲法保護國，更開雲南邊境蒙自等處爲商埠；惟不賠償兵費。於是法之勢力由安南侵入雲南矣。

注 〔一〕諒山，安南北邊之一都邑，當中國廣西龍州鎮南關外地。〔二〕東京原指安南首都河內，今法置東京州，以河內爲首府。

滇緬界務問題與英國 緬甸亦中國藩屬，自英併印度，遂與緬甸接界。英緬之間，時有戰爭；割地償金，緬甸之領土日削。中國以國內

三 中法戰役之結果如何？

四 緬甸與我中國有何關係？英人得緬甸後與我中國發生何項交涉？

第十八章 中日戰役及列強帝國主義之大侵略

朝鮮交涉

朝鮮降清後，稱臣奉正朔，世受中國冊封。同治初、

朝鮮王李熙立，年幼，其生父大院君李昰應執政。時日本自變法維新後，正圖向外發展。光緒初，既併琉球^①，乃謀侵入朝鮮，屢次因事要挾。會朝鮮有攻擊日本使館之事，日人出兵問罪。中國乃代執大院君與日本議和，許日兵共駐朝鮮都城。後朝鮮李王妻閔妃專政，國內分新舊兩黨：新黨主依日本，舊黨主依中國。兩黨內鬩，遂各向中國日本請兵相助。日本乃使伊藤博文來天津，與李鴻章議朝鮮事，約定兩國各撤兵；如不得已出兵時，兩國須先知會。自此朝鮮不啻爲中日兩國公共保護國，時民國前二七年也。

朝鮮爲中
日公共保
護國

注 ①琉球本亦中國藩屬。民國前三三年，日人廢其王，改爲沖繩縣，中國爭之無

效。

甲午戰役 民國前十八年，即清光緒二十年甲午，朝鮮有東學黨之亂，朝鮮告急於中國。李鴻章一面發兵進駐牙山，一面依據天津條約照會日本。兩國兵未至，而東學黨已潰散。中國因請日本撤兵。日人藉口改革朝鮮內政，不允撤兵，並幽禁朝鮮王。時中國雖新興海軍，然腐敗不可用。李鴻章知此，頗不欲與日本戰。日人乘我不備，突擊沈我國兵船，戰端遂開。中國倉猝出兵應戰，海軍既缺乏戰術，陸軍又無紀律，於是海陸兩方皆失利。日軍一面陷旅順，一面占領威海衛。海軍提督丁汝昌自盡。清政府大懼，與日本議和。

中日之戰

注 〔一〕東學黨者，朝鮮對於中國學術稱東方之學，即朝鮮國學之意。其時朝鮮政教衰廢，民不堪命，東學黨起事之宗旨，即在明人倫，誅污吏，改正政府之弊政，援救生靈於塗炭。懸白巾，樹黃旗，據有全羅道、及忠清道、慶尙道等處。〔二〕牙山在朝鮮忠清南

道、公州之西北。

朝鮮自主

遼東問題

膠州灣之租借

馬關條約與遼東交涉

民國前十七年，即公曆一八九五年，李鴻

章奉清政府命爲全權大臣赴日議和，與日本全權大臣伊藤博文會議於馬關，訂和約：認朝鮮爲自主國，償日本軍費二百兆兩；割讓遼東半島及臺灣、澎湖、諸島；開沙市、重慶、蘇州、杭州、長沙爲商埠。然俄人自據黑龍江後，意固欲取遼東爲己有，至是爲日本所取，恐其不利於己，遂聯合德法兩國脅迫日本歸還我遼東。日本不得已，允之，惟須增償賠款三十兆兩。議成，遼東仍歸還中國。

注 〔一〕日本本州島極西地。

各國租借要港

俄以脅迫日本歸還遼東，乃向清政府要求割地爲

謝。清政府不能拒，派李鴻章與俄訂祕密條約：許俄以東三省鐵路敷設權及礦山開採權，並得租膠州灣爲軍港。時德人以與俄同有索還遼東功，向清政府要求酬謝，清政府不允，乃借曹州殺德教士事爲名，擅率軍艦，入膠州灣，強行租借，以九十九年爲期；並得有建築山東全省鐵路

旅大之租借
威海衛之租借

甲午戰役
之影響

權，及路旁百里內之礦山開採權。俄人以不得膠州灣，乃強租旅順大連灣，以二十五年爲期。英人藉口均勢，強租威海衛，租期如旅大。法亦以兵艦入廣州灣，強租焉，租期如膠州灣。英見之，又藉口均勢，強租香港對岸地，以推廣其舊日占有之九龍，租期亦如廣州灣。於是中國沿海要港盡失，列強帝國主義之侵略，乃長驅直入，要皆受甲午一戰之影響也。

提要問點

- 一 甲午以前，中國爲朝鮮事之對日外交，其經過如何？
 - 二 甲午之戰，何故失敗？馬關條約，中國有何喪失？其有關於中國國家地位之低落較江寧條約如何？
 - 三 收還遼東之事，在外交上爲成功乎？爲失敗乎？
 - 四 因甲午戰敗，而引起列強帝國主義之侵略，試舉其重要者簡單述之。
- 第十九章 清末政治革新之失望

漢人民族
思想暫伏

派遣學生
留學歐美
之始

孫文上書
李鴻章

康有爲上
書朝廷言
變法

戊戌以前之政治 自太平軍之民族運動失敗，元氣大傷，接之以

列強帝國主義之大壓迫。而是時清廷正重用漢人，一改入主中國以來之態度。於是漢人對滿之民族思想，乃暫時潛伏，而目的轉趨於對外，冀就現狀而改進之，以師法列強爲事，先從革新運動入手，當時稱之曰洋務。同治時、曾國藩用廣東人容闈之言，頗有改革之意，始派遣青年學生，留學歐美。然當時之目的，亦不過欣羨歐美之船堅礮利，以爲經營國防之計。光緒時、政權在那拉太后及恭王奕訢之手，任用號知洋務之李鴻章，所辦者亦不過兵工廠、海軍、鐵路、電報、等事而已。

戊戌政變 民國前十八年，孫文上書李鴻章，謂謀富強而惟堅船利礮之是務，實爲舍本而圖末；因條舉辦法四大端，不見採用。次年，康有爲復上書清廷言變法，然爲奕訢所抑，不見用。迨奕訢死，那拉太后亦歸政德宗，德宗決意變法，召用康有爲梁啟超師弟及譚嗣同等，討論變法事宜；廢八股，開學堂，維新之詔，月數十下。滿族親貴皆不

新政失敗

悅之，乃懇憲太后復聽政。於是那拉氏復臨朝，急捕康梁等。康梁逃，譚嗣同等六人被殺，新黨盡斥，新政盡廢。守舊黨得勢，革新運動遂告失敗。時民國前十四年戊戌也。

注 [一]四大端者：(1)人能盡其才；在教養有道，鼓勵以方，任使得宜；(2)地能盡其利；在農政有官，農務有學，耕耨有器；(3)物能盡其用；在窮理日精，機器日巧；(4)貨能暢其流；在關卡無阻難，保商有善法，多輪船鐵道之運載。 [二]被殺者為譚嗣同楊銳林旭劉光第楊深秀康廣仁。

旭劉光第楊深秀康廣仁。

義和團之起事

時以受列強帝國主義之壓迫日深，而新黨之言變

法，動以列強之政治為根據，守舊黨乃欲藉排外成功以塞新黨之口。先是，各國來華之教士，恃其本國國勢之強，偏袒教民，每有訟事，即向地方官關說。地方官不敢與外人交涉，明知冤屈良民而不敢辯，是實為人民仇教之起因。義和團者，直隸山東間之一種祕密結社，始白蓮教之類，自言能作法，以拳術破槍礮。至是遂以「扶清滅洋」為號召，所至

和
民教之不

扶清滅洋

殺教民，焚教堂，並殺及外人。那拉氏及滿族載漪等親貴深信之，獎爲義民，思藉以排外；甘軍董福祥又以兵助之。時則日本使館書記官杉山彬及德國公使克林德均被殺，而那拉氏更命義和團攻各國公使館；且通電各省，協力排外。時民國前十二年庚子也。

聯軍入北

八國聯軍入北京 義和團之入京也，各國公使紛紛請其本國兵入衛。不久，英美德法俄日奧意八國，各派兵艦入大沽，直趨天津，沿途礮擊兵民，死傷無數。直隸提督聶士成力禦之，不勝而死。八國聯軍進逼北京，那拉氏攜德宗西逃。聯軍入京，剿殺義和團殆盡。占據宮殿，劫略居民。俄國且乘機盡占東三省。直隸各要城，亦先後爲聯軍所據。惟東南各省，由兩廣總督李鴻章、兩江總督劉坤一、湖廣總督張之洞及山東巡撫袁世凱，相約不受清政府排外之命，與各國領事訂互保之約，乃得無事。袁世凱以其所領之新建軍阻義和團南下，尤有功。自是袁之新建軍，又代湘軍淮軍而起矣。

東南互保之約

新建軍

注 〔一〕甲午戰役時，胡燏芬練定武軍十營。光緒二十一年冬，以袁世凱統之。袁氏又加募足七千人，駐於距天津七十里之新農鎮，即津沽間所稱爲小站者也。其軍制悉仿德國，用天津武備學堂之學生爲指揮官，是即所謂新建軍，而亦即後日北洋派軍閥之所由來也。

辛丑和約及東三省撤兵問題

那拉氏德宗之出走也，留慶王奕劻

於北京，准備與各國議和；及至太原，更召李鴻章令與奕劻爲議和全權大臣。鴻章乃與八國聯軍定議：(1)懲辦載漪等禍首；(2)賠款四百五十兆兩，分期至公曆一九四〇年償清；(3)各國得常駐戍兵，護衛使館；(4)京津間不得設兵備，並毀大沽口礮臺，及有礙京師至海口交通之各礮臺。是爲辛丑和約。約既定，那拉氏始與德宗返北京。各國相繼撤兵，惟駐東三省之俄兵不肯撤。日本以從前俄之聯合德法脅還遼東也，故怨俄，至是乃屢促俄人撤兵。俄人不聽，兩方皆欲以兵力解決。公曆一九〇四——五年，於是有日俄之戰。結果，俄敗，讓出南滿爲日本勢力範圍，

旅大租借
權轉移於
日本

孫文革命

民權點綴
之徒然

民生問題
之無着落

民族革命
之必要

以旅順、大連灣、兩要港、租借權、歸日本。

辛丑和約以後

義和團之役，清政府措置乖謬，致重遭列強帝國

主義之侵略，造成辛丑和約之大屈辱。欲爲根本解決，其必然之結果，自非推翻清室不可。時則孫文早已悟滿清之不足爲，實行革命，屢起事；鄒容、章炳麟等又以民族革命之文字，廣爲宣傳；於是漢人潛伏之民族思想，如春雷之勃起。清廷爲緩和革命黨計，爲敷衍漢族計，乃思點綴民權之說以爲塗飾，而有預備立憲之表示。然自辛丑和約以後，雖又下詔爲第二次之變法，仍屬枝枝節節，於民生之根本問題，毫無解決。迨至民國前四年，宣布實行立憲，年限以九年爲期——是年清德宗歿，溥儀嗣位，以明年爲宣統元年。民國前一年，新官制之內閣成立，庸劣之親貴奕劻、載洵、載濤皆入閣。其代替國會之資政院議長，又爲欽派之親貴溥倫，於是藉民權以爲點綴之假面具亦顯然揭破。民生民權兩問題之解決，既不可得；欲爲根本之解決，愈非從民族革命入手不可矣。

提問要點

- 一 太平軍失敗後，漢人對滿之民族思想，何故暫時潛伏？其目的又轉向何方？
- 二 何謂洋務？當初辦洋務之目的何在？是否爲救國根本辦法？
- 三 孫文上書李鴻章，是何主張？見用否？康有爲等如何變法？其結果如何？
- 四 何謂義和團？義和團揭何標語相號召？試說其原因及結果。
- 五 締結辛丑和約之情形及其內容如何？其有關於中國國際地位之低落，較馬關條約又如何？

六 清政府對外既第二次失敗，則熱心救國者如孫文等，其辦法當如何？漢人的民族思想，由潛伏而勃起，清政府復用何法以敷衍漢人？

第二十章 清代政制之大要

立法司法與行政

清仍明制，設內閣大學士。及雍正中，以西北用兵，乃特設軍機處。由是機要之事，悉由軍機大臣辦理，而內閣不過具名，軍機處實爲政府之領袖。然專制時代，三權不分，立法司法悉包

三權分立
粗有萌芽

括於行政。清末爲預備立憲，從事於編纂新法律，改立大理院以下之各級審判廳，雖各省未盡推行，實爲行政與司法分離之始。同時中央設立資政院，各省設立諮議局，雖不足以代表民權，然實爲立法與行政分離之始。最後乃將內閣軍機處一并裁撤，成立仿照立憲各國之內閣制，以各部大臣組織內閣，設總理以統率之，爲純粹之中央行政機關。三權分立，粗有萌芽。然清已於是時亡矣。

清末廢止
考試

考試制與監察制 考試之法，沿用明制，以八股取士。明初由政府編定四書大全五經大全等書，學說一以程頤朱熹爲宗，考試時，士子不得別立異說，蓋束縛天下人之思想，實爲專制之作用。清卽因之，然所考者雖爲八股，不合實用，而平民究因此而得仕進之階。至清末第二次變法時，學堂之制既確立，乃實行廢止考試。清初沿用明制，司監察者爲都察院與六科給事中。以六科給事中之權可以封駁詔令，重於都察院，爲專制君主所不喜。故世宗時，將六科給事中并入都察院，於是

都察院爲
唯一彈劾
機關

以都察院爲唯一之彈劾機關。然當專制時代，司法未獨立，有此彈劾機關，亦足以補救不少。此制迄清末猶存。

中央與地方

自元代分置十二行中書省，皆置丞相以掌政務，地

地方權漸
重

方之權，遂與中央並重。明制行省長官爲布政使司布政使，職權不如元代丞相之尊。清則以總督或巡撫爲各省行政長官，而布政使反受其節制。地方之權，視明爲重，彷彿元代。及太平軍之役起，爲曾左李諸人所平定，故曾左李等皆以內閣大學士之資格爲行省長官，地方之權益重。

各省得自
練軍

義和團之役起，李鴻章劉坤一張之洞袁世凱等遂以行省長官之資格，與外人訂立互保條約，不受中央之命。而清末時改革兵制，各省更得自練新軍，地方之權更重。故武昌革命軍起義，各省新軍分別響應，滿清遂亡焉。

地方自治之消長

明末綱紀廢弛，鄉紳之欺壓平民，成爲習慣。

清初因嚴懲之，藉以壓制士人。故如江南奏銷案之起，士紳之受其禍

自治粗有
萌芽

者至一萬三千餘人；且一切民間利病，不許士人上書，不許士人輕入有司衙門。至於平民，尤一任地方官吏之壓迫。蓋政體爲君主專制，故毫無民權可言。清末各省既有諮議局，各城鎮鄉亦設議事會與董事會，人民自治，粗有萌芽。然立憲既無誠意，則亦不過藉以爲點綴而已。

注「一」見本編第十章。

備覽

自秦漢有鄉官之制後，北魏孝文帝時又五家立一鄰長，五鄰立一里長，五里立

一黨長。凡長皆取鄉人強謹者爲之，以算戶口而息爭訟。隋廢鄉官。唐制，百戶爲里，而

兩京及州縣之郭內分爲坊，郊外爲村。里及村坊皆有正。里正兼課植農桑催調賦役之事。

宋王安石當國，行保甲法：十家爲保，有保長；五十家爲大保，有大保長；十大保爲都保

，有都保正副。每保置牌，以書其戶數姓名。二丁以上選一人爲保丁，職在習戰事，警盜

賊，發奸邪。安石志在改募兵爲農兵，然亦不失鄉里自衛之意。元創廓大之行省制，但其

村邑之間，則有農社：五十家立一社，擇高年曉農事者爲之長。凡種田者立牌概於田側，

書明某社某人；社長以時點視之，負督教之責。凡疾病凶喪農桑旱潦，均由社中人自相營

救。明初最重耆老，令州縣設立「老人」——亦稱「里老」，選年高有德，衆所信服者，使勸民爲善，並理其鄉之爭訟。惜其後名存而實亡。

提問要點

- 一 清代中世之軍機處，與季世之內閣，重要之不同點何在？
- 二 清代考試制，是否足以拔取真才？其關於監察制者，有何種機關？
- 三 清代地方權重，較之元明何如？及其季世，地方之權，何故更重？
- 四 清世何故壓制士紳？其影響於漢人民族思想及民權思想之消長何如？

第二十一章 清代之學術思想及文藝

王學之反響 明之後期，王學極盛，有流爲尙氣好任俠者。清初諸帝頗忌其易於激起民族思想，故提倡程朱以打倒王學。加以王學末流之失於空誕，明末清初之學者，亦頗思有以矯之；其甚者遂至抹殺一切，根本否認理學。茲約舉如下：

(1) 反對王學者 是派最著者爲王夫之陸隴其。夫之斥王學爲竄

王學易激
起民族思
想

入禪宗；隴其謂王學爲亂明之源。

(2) 反對空談理學主張研究經史求致用者 是派最著者爲顧炎武

黃宗羲。炎武曾云：「舍經學而言理學，而邪說以起。」宗羲以爲明人講學，不事六經，頗滋流弊；主博治經史以致用，而尤注重史學。

(3) 根本反對以讀書說理爲學者 是派倡始者爲顏元。元以躬行實踐爲事，嘗云：「以讀書爲學，固非孔子之學；以讀書之學解書，並非孔子之書。」傳之者有其弟子李燾。

上述之三派中，以顧黃二氏之傳爲最大，實清代漢學史學兩大流派之導師。

漢學之特盛及其分號 自顧炎武提倡經學，開考證之風。至惠棟戴震出，一宗顧氏博引羣書以解經之法，嚴守漢人注書之條例，而漢學以確立。益以段玉裁王念孫等文字學上之貢獻，其對於古籍之發明，更有非漢人所及者。清末之俞樾孫詒讓章炳麟，猶守其法以治羣書，是實

今文學

爲清代學術之特色，而導最近整理國故者之先聲。然惠戴等之漢學，無今文古文之分，所崇尚者大抵皆爲東漢學者鄭玄等。自莊存與出而提倡今文學（與戴震同時），則專崇西漢，而尤專於春秋公羊傳，直以公羊學代表今文學。傳其學者，以清季之康有爲爲最著。今文學之「春秋三世說」，實爲清末革新之動因。

注 「春秋三傳公羊穀梁，皆用漢時通行之隸書傳授，在漢時謂之今文。左傳用秦以前通行之篆文，在漢時因謂之古文。古文經在西漢時皆未列學官，東漢時古文經之勢力始盛。」春秋公羊傳隱元年：「公子益師卒，何以不日？遠也。所見異辭，所傳聞異辭。」漢何休注：「所見者，謂昭定哀，已與父時事也；所聞者，謂文宣成襄，王父時事也；所傳聞者，謂隱桓莊閔僖，高祖曾祖時事也。」又云：「於所傳聞之世，見治起於衰亂之中，用心尙兪綽，故內其國而外諸夏；……於所聞之世，見治升平，內諸夏而外夷狄；至所見之世，著治太平，夷狄進至於爵，天下遠近小大若一。」龔自珍五經終始大義各問中，已擴充三世之說，以與禮運據亂、升平、太平三世之說相糅合。至康有爲遂以進化

之理，闡發三世之說，以爲春秋者、紂君威而申人權，夷貴族而爲平等，去內競而歸統一，革習慣而尊法治，因推論當由專制進爲民主之理。

史學之特盛及其影響

自黃宗羲主治史以致用，萬斯同全祖望等

史學特盛
於浙

繼之，史學遂特盛於浙江。蓋自浙東學派呂祖謙等以後，浙江學者本重史學。明清之際，浙江人之反清思想特盛，黃宗羲本當時力圖恢復明室之一人，事不成，乃發憤而著明夷待訪錄，明辨「國家」「君主」之非一物，而大倡其「民本主義」。傳其學者，如全祖望等，尤喜訪集明末遺事，以激起士大夫故國之思。莊廷鑑呂留良等之著作，尤爲指斥不諱，以釀成清初文字之獄。莊、呂亦皆浙人也。故當時清世宗卽深惡浙江人。此其風至清末章炳麟而益甚。明夷待訪錄尤爲當時言改革者所崇奉。章等由治史學而主張種族革命，合以黃宗羲之民本主義，與歐美輸入之思想合流，遂以促清之亡云。

備清深惡
浙人

注 〔一〕莊廷鑑史案見本編第十章。呂留良亦浙人，著書多種族之感。湖南人曾靜

其書，因勸岳鍾琪反清。世宗乃放逐會靜，而戮留良。世宗又著大義覺迷錄一書，以駁其說。後至高宗時，卒殺會靜。〔二〕清世宗嘗曰：『浙江風俗澆漓，人人心懷不逞……』

「云云。因停止浙江鄉會試以懲戒之。」

宋學與八股 王學既不重於世，而清之講理學者如陸隴其、曾國藩等，率皆奉宋儒程朱一派；然在學術界終不能奪漢學之席。又清沿明制，以八股文試士。八股文所搬演者，陳陳相因，只能發揮宋儒之舊說，不能自出心裁，於是宋學遂無進展。

宋學不能奪漢學之席

備覽 自宋王安石以經義試士，元仁宗時，變更格式，遂為八股文所自始。明中世後，法式愈嚴，體製必須對偶，取題必限於四書，陳義必須作古人口吻，且限以四書大全之說，無作者自抒己見之餘地。近人有以為元代戲曲盛行，八股即仿其格式。如破題、承題，猶曲之有引子；起講、提比、中比、後比，猶曲之有套數；領題、出題，猶曲之有賓白；而描摹古人口吻，以逼肖為能，實與曲相符。其說亦頗近理。不過戲曲可將作者個性藉所演之事實而發揮，而八股則限以經義，尤須束縛於一先生之言，作者絕無發揮個性之餘

地。故戲曲有文學價值，入股則無之也。

詩詞古文

清詩大抵宗唐，作家甚多，而以王士禛（漁洋）為首

出。其後袁枚（子才）獨主性靈之說，以發揮個性為主，詩界乃得一解放。同光以後，宋詩盛行，舍雕琢而取自然，遂伏近日白話詩之遠脈。

近世盛行
宋說

清詞作家亦極多，然以納蘭性德之作品為自然。清之古文以唐宋八

桐城派

家為宗，桐城之方苞姚鼐最著，號桐城派，曾國藩從而恢宏之，要亦桐城派也。桐城派古文義法太嚴，可用以敘事，而不便於說理，殊不足以應清末思想解放之需要，故至清末而衰云。

戲曲及小說

自元末傳奇盛行，明朝因之，如湯顯祖之牡丹亭，

傳奇不能
民衆化

阮大鍼之燕子箋，頗著名。然已尚詞藻，工修飾。清代傳奇之表表者，前有孔尚任之桃花扇，洪昇之長生殿，後有黃憲清之蒂金花，要皆文人士之娛樂品，不能民衆化，去元曲之精神遠矣。清代小說，以曹雪芹之紅樓夢、吳敬梓之儒林外史為最著。而李汝珍之鏡花緣，極力為婦

女張目，在婦女受壓迫時代，頗表示一種反抗之精神。

書畫音樂 自宋以還之書家，大部淵源於帖學。清中葉，包世臣獨倡北朝之碑學，於是書家之風氣一變，其高者更由北朝而上溯之，取法篆隸焉。清之畫家，以王翬爲兼擅衆長，集唐以來南北派之大成。

碑學

繪畫音樂
均入歐化

同時惲壽平之寫生，亦能自樹一幟。清季西洋畫風輸入，將來與中國畫合流，必當更放異彩。中國藝術之無國性者，莫如音樂。自古樂失傳，中國之音樂本外來輸入者爲多。清季西洋音樂輸入，於是更爲「世界化」矣。

提問要點

- 一 王學盛於何時？何故不容於清？清初學者又何故多反對之？
- 二 漢學何故特盛？著名之漢學家爲誰？其與清季政治革新有關者爲何人？
- 三 史學何故特盛？史學之影響於中國民族革命者若何？清代有何著名之詩人？近日白話詩之源脈，何時預伏？湖城文派之勢力如何？清代有何著名之古文家？至何時而衰？

其缺點何在？

四 隋代有何著名之戲曲著作？其價值如何？試舉隋代小說之著名者。

五 西畫及西樂之傳人，與中國美術之前途，有何關係？

第二十二章 近世期之社會與民生

南北饒瘠之概狀

江南賦稅，自唐安史亂後，日益增重，故在唐

時已占天下全額十分之九。北方自入本期後，女真蒙古各族南徙，中原戰爭日亟，農事日廢，西北之地味愈瘠；加以黃河之大潰決，至近世期愈甚，宋金元明，無代無河患，河淮之間，幾成廢地。南方則自宋室南渡，非盡地力無以立國，故江南益講水利而東南益以饒富聞；自宋至清，江南浙西田賦之負擔獨重，其原因亦正在此。

注 〔一〕明丘濬大學衍義補引韓愈之言曰：『賦出天下，而江南居十九。』〔二〕宋

史食貨志：『南渡後，水田之利富於中原。』〔三〕宋徽宗時，浙西平江（蘇州）諸地，

積水新退，田多曠棄，計利之臣獻議，募民耕種，官自收租，謂之官田。南宋末，由丞相

賈似道主持，奪浙西六郡官民逾限之田爲公田。元仍之而不改。明初滅張士誠，其部下之田產殆遍蘇松，悉沒收爲官田，照租額定賦稅；後更將官田重賦，并於民田。其後明民田以五斗起徵，官田以七斗起徵。至嘉靖時，不分官民，一律以三斗起徵。於是江南浙西之民大受其害，直至於情而未革。

南北文化之升降 吾國文化之發軔，本在黃河流域，卽所謂中原之地。自周漢以還，漸次南向發展；顧入近世期，至宋元以降，則南方文化轉超過於北方。大抵北方自金元迭起，文化衰落，故明制：進士會試，北取三十五名，南取五十五名。此雖科舉之事，亦可以見北方文化之不及南方。至於清代，則南北文化有平均發達之勢，而江浙尤以文學著稱，安徽湖南廣東人文蔚起。及乎中世以降，雲貴亦有聞人矣。

注 「一」梁任公歷史統計學所載歷史人物之地理分配表——將兩漢書新唐書宋史明史

中有傳之人物，調查其籍貫，分配現今各省；再將所有列傳總數，按照各省人數，列出百分比例率——山東陝西河北山西，漢唐時平均比例皆在百分之十以上，多者至二三十以上

，宋明時皆落至十分以下，平均不過五六分；內中惟河南勉強支持平度，然亦有落下的趨勢。反之，江蘇安徽江西浙江，漢唐時甚微，以次漸升，至明時皆漲至百分之十以上。

〔二〕明制：進士會試，北取三十五名，南取五十五名，中取十名。北者、順天山東山西河南陝西也；南者、應天蘇松諸府浙江江西福建湖廣廣東也；中者、四川廣西雲貴及鳳陽廣州二府滁徐和三州也。見明史選舉志。

海運
運河
新交通專
乘

國內交通 自唐定驛站之制，宋以後皆因之。宋於文書官報，其驛傳有三等，即步遞、馬遞、急腳遞是也。急腳遞日行四百里，後又創金字牌急腳遞：以木牌朱漆金字，過如飛電，行人遠避，日行五百餘里。至明乃有民辦之信局矣。元朝版圖擴大，交通尤爲注意，因定都燕京，糧賦仰給於東南，用朱清張瑄言，創辦海運，自劉家港轉放大洋，北抵直沽，不過旬日。而河運更因舊運河開會通河，成今運河之一直線焉。至於汽船郵電鐵路，均始於清末。民國前四十年，始有汽船航行，設立招商局，以上海爲中樞，沿海通天津廣州，沿江達四川之重慶。民國

前三十二年、天津大沽間試行電報。民國三十一年、開平礦務局始築唐胥鐵路。民國前十六年、始設郵政局。

賦稅沿革

自唐楊炎定夏秋兩稅制，後世皆仿行，大抵分田賦、

徵銀不徵物

丁役、兩者徵收之。然錢與物並徵也。明神宗時、行「一條鞭法」，總括州縣之田賦工役以及土貢方物，悉併爲一條，徵收銀兩。於是徵銀而不徵物矣。清初本亦併徵地丁兩稅；康熙時、令新丁不加賦，於是丁役輕。雍正中、復併丁於地，計畝徵收，自是更無所謂丁役。於是認地而不認人，力田者有義務，而游民反得免矣。

認地不認人

幣制沿革

自宋至清初，有一病民之經濟政策，卽紙幣是也。三

紙幣之始


代秦漢以來，貨幣向以銅爲主幣，以金塊輔之，至近世期開始時而紙幣興。紙幣始於唐之飛錢，宋時仿飛錢之制，設交子；嗣後南宋有關子、會子，金有交鈔，元明爲寶鈔，紙幣遂與銅幣並行。後因紙幣濫發，幣價折跌，而物價騰踊，人民坐受其困。清初亦曾一行，旋即廢止，

用銀之始

專用銅幣——制錢，而以生銀輔之。用生銀始於宋，嗣後元明鑄成元寶馬蹄銀以爲用。自明末西班牙銀圓輸入，始有銀幣，然清之初期中期，仍用銀兩爲本位，以是制錢價值隨銀之多少爲轉移，而物價隨之。清末，又鑄當十銅元，於是出入以銅元計，物價因之益昂矣。

注 〔一〕唐憲宗時，諸商賈至京師，委錢於諸道進奏院及諸軍諸使富家，以輕裝趨四方，合券而取之，名曰飛錢。〔二〕張詠治蜀，始設錢券，其制有效期限三年，三年之後須換新券，謂之交子。其始令富人主之，後富人衰，乃由國家設交子務發行。交子禁私造，乃成正式之紙幣，旋更推行於全國。

生活程度之高低 北宋初年，斗米十餘錢。及金人南下，徽欽被擄，斗米十千錢，飢民相食，稱人肉曰「腳羊」。元代濫發交鈔，物價



五口通商
後生計上
翻互古未
有之奇變

增至十倍，人民有因此自殺者。明初銀一兩折米四石，錢十二文易米一升。中世以錢折銀，約六百文抵銀一兩。明末張李亂時，銀一兩折錢二千數百文，糴米每石至銀二三兩。清順治初，尙斗米千三四百文；其時以七百元折銀一兩。自後國內漸見太平，康熙時，石米不過銀二三錢或七八錢。乾隆五十年，大旱，升米四五十文，已詫爲異事矣。自五口通商後，列強經濟侵略日甚，每年漏卮以數萬萬元計。咸同間，銀價增至一倍，寔至今日，物價增至百倍以上。此真互古未有之奇變也。

備覽 歷代米價貴賤，詳見徐珂天濼閣叢列中之可言第十四卷。

農民與田畝

自唐均田制度廢後，豪強兼併不可復止。南宋理宗

時，謝方叔言：「權勢之家日盛，兼併之習日滋，百姓日貧，……今百

姓膏腴，皆歸貴勢之家，租米有及百萬石者。」理宗因之有限民名田

——占田之令，則其時兼併之風可知。而元明清三代，則除民間之豪強兼

併外，又有特殊階級之占田。元代屢以江南田賜臣下以千頃百頃計，且

特殊階級
占田

釐金之始

機器工業
之重要

經界不實，強者田多而稅少，弱者產去而稅存。明代諸王勛戚宦官，均有莊田，多者每家以萬頃計，倚其盛勢，不顧法禁，害民殊甚。清初滿人東來，無地居住，乃圈近京州縣之無主荒地及前明諸王勛戚之莊田，給與滿人。後以漢滿雜居，常起衝突，復將僻遠州縣無主之地轉給漢人，與之交換，而漢人流離失所矣。此項圈地之事，至康熙時始止。

工商業之萎縮 宋元以來，雖有對外貿易，而政府對於商業實不注重。清因與太平軍爭戰，設立釐金，而國內貿易之商困。江寧條約成立以後，海關稅權漸移於外人，而國外貿易之商亦困。工業惟國民自力發展之瓷器、漆器、刺繡等，有顯著之進步，如宋之景德窰明之宜興窰，明楊埧所爲日本傳來之「楊倭漆」，明上海露香園之顧繡，至今猶皆膾炙人口，然皆手工業也。機器工業則至清末始有之，實爲此後發展國民生計之唯一要事。

階級制度 遼元有所謂賜戶者，動輒數十戶，人之價值同於貨賄

墮民樂戶

元初平定諸國，以俘到男女配爲夫婦，所生子孫永爲奴婢，謂之「驅口」，則又復於上古以俘虜爲奴之風。明制雖禁庶民之家不許有奴婢，然功臣之家，則仍以奴婢給賞，搢紳之家亦許蓄養焉。至雜戶中，如浙江之墮民，山陝之樂戶，亦皆不得與於平民之列。墮民之由來，相傳始於宋，爲宋罪俘之遺，其先以叛宋投金被斥者。樂戶則皆明成祖時不附「靖難」者之族屬，世世不得自拔爲良民。清世宗雍正元年，令樂戶墮民皆除籍爲良民，不得謂非大改革。至乾隆時，則又議定，凡除籍之雜戶改業爲良，必限四世清白，方得列於士類，故至清末而此種不齒於市民之階級，仍有存焉者。

注 「一」續通考：遼道宗以耶律伊遜先朝任使，賜漢人戶四十。元史：世祖九年二月，賜諸王塔剌海籍沒五十戶，願受二十戶。

女子受壓迫

風俗 喪葬等皆沿古制，而大同小異。其異於前兩期者，則女子之受壓迫是也。自宋儒倡爲「餓死事小，失節事大」之說，其後變本加

厲，女子受貞操之束縛特甚：夫死不得再嫁，再嫁者即爲社會所輕視。且自五代時，南唐李後主妃窅娘開纏足之風氣，入本朝而其風氣加甚，女子之形體上又受一重大之束縛。此其害直接女子受之，間接則漢人種之日弱，實受其影響甚大也。然此風只限於漢人種，滿蒙回藏無此焉。此清末革新有志之士，所由盡力提倡解放女子纏足也。

提問要點

- 一 江南賦稅，何故特重？南饒北瘠之原因，有關於地理者，有關於人爲者，試歷說之。
- 二 文化南漸之趨勢如何？
- 三 驛站起於何時？民辦信局起於何時？海運創辦於何時？清末對於交通事業，有何新進步？
- 四 何謂兩稅制？何謂一條鞭法？計畝徵銀之制，始於何時？試略說其沿革。
- 五 紙幣始於何時？其與民生有何關係？清末物價何故驟昂？
- 六 自宋以來，生活程度何時最低？何時最高？其故又安在？

七 田畝豪強兼併，而造成經濟之不平等，自唐以來，往往有此情形，試說其略。

八 清末工商業俱形萎縮，其主要原因何在？

九 何謂賜戶、驅口、墮民、樂戶？此種不平等的階級，應否廢除？在近世史上亦曾有廢除奴婢制之事實乎？

十 夫死不再嫁，是否古制？纏足惡俗，始於何時？其流毒如何？

第四編 現代史——中華民國

第一章 孫文之革命運動與中華民國之成立

現代史開幕的背景 中國自鴉片戰爭後，帝國主義之壓迫，得步

進步，閉關自大之中國，遂爲世界列強武力侵略經濟侵略之圍場。滿清

清政府威
信掃地

中國民族
運動活躍

政府因排外不成，漸形畏外媚外，威信掃地，不足爲中國主權者之代表

；而中國民族運動，遂以活躍矣——自近世民族思想勃發以來，一民族

不能壓迫或統治其他民族，與夫各民族各有自決之權，已漸成爲世界潮

漢族崛起
實行革命

流。況滿清政府，對內失威信，對外無能力，已大露其弱點。漢族爲圖

生存於世界，不能不崛起，實行革命，先推翻滿清政府，以平等自

由之原則，聯合國內各民族——漢滿蒙回藏，組織共和政府，以排斥一

切帝國主義之壓迫。於是清政府統治下之老大中國，乃劃爲一新時期，

而現世史開幕矣。揭此現世史之幕者，則爲革命領袖孫文。

現世史開
幕與孫文

孫文革命運動之再接再厲 先是、當中日戰後之次年，即民國前

謀襲廣州
推廣與中
會

倡三民主
義
會黨合併
於興中會

中國同盟
會成立
定中華民
國之名稱

十七年，孫文以人心奮厲，有機可乘，赴檀香山創立興中會，並籌款於美洲，密備軍械。未幾，與同志謀襲廣州，事洩，陸皓東死之。乃渡日本，至檀香山推廣興中會；赴美洲，以民族主義指導洪門會館人。旋由美赴歐，至英京倫敦，被使館所捕。既出，乃遍遊歐洲，考察其政治風俗，探治道之真而倡三民主義。時以留歐華僑不多，復歸日本。命史堅如入長江，籠絡會黨，於是長江閩粵之會黨，合併於興中會，革命之聲勢益盛。庚子事起，又命鄭弼臣入惠州，史堅如入廣州，發難，皆死之。既而張繼蔡元培等發行日報，鼓吹革命，革命之聲，徧於全國。時各省盛派學生留學日本，有志者皆傾向革命。而革命份子亦有自立團體者。孫文欲聯合之，既再作歐遊，乃疊於布魯捨爾柏林巴黎開會討論。至民國前七年，始聯合成功，開中國同盟會成立大會於日本之東京，是為今日中國國民黨之始基。孫文被推為總理，定中華民國之名稱，公布國中。革命同盟既告成立，一方發刊民報，鼓吹三民主義；一方入內地實

黃花岡之
役

行革命，乃有萍醴之役。清政府懼甚，要求日本驅逐孫文，孫文乃避至安南，使同志分途猛進，於是有黃岡之役，惠州之役，欽廉之役，鎮南關之役，河口之役。然皆失敗。而暗殺親王疆吏之案，則此仆彼起，亦時有所聞。時孫文益受清政府之壓迫，安南日本香港等處，皆不能自由居處，乃作第三度之歐美游，以國內事委黃興胡漢民。旋黃胡謀攻廣州，失敗，孫文復由美折回，約黃胡謀再舉，親赴南洋英荷各屬向華僑募費，所至之地，輒爲其政府所不容，遂再赴美洲。而同志之在港粵者，集全部之力以攻廣州，卒成辛亥三月二十九日之壯舉，所謂黃花岡七十二烈士，卽是役死難之同志也。

注「一」一九〇五年，吳樾在正陽門謀炸載澤等五大臣，死之。越二年，光復軍首領徐錫麟，在安徽槍殺巡撫恩銘，被捕死；秋瑾亦被株連。後光緒帝死，熊成基在安慶乘秋操起事，而在兆銘在北京謀刺攝政王。不久，廣州將軍李琦，又被溫生才刺殺。

鐵路國有案與武昌起義 革命運動，雖屢遭失敗，而國內則到處

盛宣懷倡
鐵路國有
政策

皆有革命黨，民氣益奮。會清郵傳大臣盛宣懷倡鐵路國有政策，借外債以收粵漢川漢兩幹路歸國有。四川湖北湖南廣東四省人民羣起反抗，尤以四川人爲最激烈。四川總督趙爾豐以川人謀叛報告清政府，調湖北兵入川平亂，於是湖北方面之守備力薄弱。革命黨人遂乘機入湖北運動。兩湖總督瑞澂知之，防之極嚴，盡力搜捕黨人，株連甚衆。湖北新軍遂與黨人合而起義，稱民軍，直攻總督衙門。瑞澂倉皇棄城而逃，民軍遂占領武昌，設軍政府，推新軍協統黎元洪爲都督，時清宣統三年辛亥八月十九日，卽民國前一年十月十日也。

民軍占領
武昌

中華民國臨時政府之成立 清政府聞警，派海陸軍南下，民軍與戰，勝之，南方各省又紛紛獨立響應。清政府大懼，亟用袁世凱舊部馮國璋段祺瑞爲將，並起用袁世凱以節制之。馮軍連陷漢口漢陽，武昌幾不守。會江浙聯軍得南京，長江千里，聯爲一氣，鄂軍形勢遂固。於是各省獨立軍政府各派代表於武昌，擬組織臨時政府。旋議決以南京爲臨

中華民國
臨時政府
成立

清帝退位
五族共和

元年約法
正式國會
成立

中華民國
正式成立

時政府所在地，以十七省代表開臨時總統選舉會，孫文當選爲臨時大總統。中華民國之臨時政府於是成立，時民國元年一月一日也。時清政府令袁世凱入京組織內閣，南北各派代表，議和於上海。然共和之大勢已定，清將段祺瑞又聯合北方將士十餘萬人，電請改建共和政體；蒙古聯合會及東三省等士民繼之。清帝乃正式宣布退位，政權還於國民，合漢滿蒙回藏五大族而建一共和國，時民國元年二月十二日也。清自入主中國後，凡二六八年而亡。

中華民國正式政府成立 南北議和既就緒，臨時大總統孫文遂向參議院辭職，舉袁世凱以自代。先是、臨時參議院議決臨時約法七章五十六條，實爲中華民國憲法之權輿，卽所謂元年約法也。依據約法，召集國會，民國二年四月八日行開幕禮，正式國會成立。北美合衆國墨西哥等首先承認中華民國。參衆兩院又制定總統選舉法。民國二年十月六日，選舉袁世凱爲正式大總統，黎元洪爲副總統。中華民國於是正式成

立。

提問要點

- 一 民族思想之勃發，與現世史之演進，有何重大關係？
- 二 試略述辛亥以前，孫文革命的經過，與其患難者又有何人？
- 三 何謂鐵路國有案？其在民國成立史上有何關係？
- 四 清政府何故肯以政權還於國民？中華民國之組織，以何民族為主體？
- 五 中華民國正式成立時之中央政府，如何組織？有何建設？

第二章 各國對於民國成立之壓迫

民國之領土 民國以五族共和之政府，代滿清政府而為中國之主

權者。其領土，全承有清季之疆域，故臨時政府移設北京時，二十二省及其他政治區域，即同隸中央。惟蒙古受俄之慫恿，西藏受英之慫恿，變更態度；而日本亦乘機活動其間。——民國對於國內各民族一律平等

。蒙古西藏如其本民族自決之精神，為民族自決之運動，當然不失民族

民國領土
全承有清
季之疆域

主義的原則；若蒙古由俄人爲之代謀，西藏由英人爲之代謀，則反造成民族間之不平等，實爲民國所不能容認，於是外交問題以亟。

俄國之窺伺蒙古 俄國侵略極東，以西伯利亞鐵路爲唯一利器，

活佛自稱
大蒙古帝
國日光皇
帝

俄蒙直接
訂約

中俄議
之結果

內蒙諸旗
劃爲三特
別區

時恐中國之蒙古，中扼其腰，故竭力經營蒙古。當武昌起義時，外蒙活佛即受俄國德蕩宣布獨立，自稱大蒙古帝國日光皇帝。同時俄國亦向清政府提出要求，謂中國不得在外蒙殖民駐兵，在外蒙如有改革，須先與俄國商酌。清政府因戰事方亟，置不復。及民國臨時政府成立，俄國知中國無暇對外，與蒙古直接訂約，其條約精神，實攫全蒙爲其保護領。並同時向中日英發出通告，表示其在蒙古特殊之地位。英日政府，因與俄國有密約關係，寂不發言，中國則輿論大譁，征蒙論四起。外交當局疊次與俄國磋商，結果、俄國承認中國在外蒙之宗主權，中國承認外蒙之自治權。時民國二年也。當外蒙宣告獨立時，曾派兵南犯內蒙，屢生事變，政府恐內蒙不穩，因於中俄議約修定後，即將內蒙諸旗，劃

爲熱河察哈爾綏遠三特別區，其餘者分隸於東三省。

注 「一」外蒙活佛，既受俄人德憑，宣佈獨立。民國元年一月二十一日，俄政府命參贊官廓索維慈直接與外蒙庫倫政府訂俄蒙協約。其最關重要者，「俄國政府扶助蒙古，保守現已成立之自治秩序，及蒙古編練之國民軍；不准中國兵隊入蒙古邊境，與華人移殖蒙古地之各權利。」「俄國屬下人等得有權利在外蒙古所有地內各城鎮各蒙旗，約定期限，租賃地段，或購買地段，建造商務製作局廠，或修築房屋，鋪戶貨棧，並租用閒地開殖耕種。」以此二條相對照，可見俄人欲從中國主權下奪取外蒙之野心。「二」一九一〇年，日俄會結第一次密約，是不過爲朝鮮問題之收局。及中國革命事起，蒙古獨立，日本遂派桂太郎於民國元年七月至聖彼得堡，與俄政府訂第二次密約：劃長春以南之滿洲，及內蒙古一部分，爲日本所有；長春以北之北滿洲及其餘之蒙古地域，爲俄國所有，約定互相援助，不相牽制。該密約締結後，俄外相薩佐諾夫，即於同年九月訪英外相古烈於倫敦，許西藏之權利與英國以交換蒙古利權，得英政府之滿意，故同年十月二十一日，即有俄蒙協約之締結；而西藏問題，與南滿東蒙之五鐵路問題，皆同時並起矣。

達賴爲英
工具

班禪締結
藏印條約
達賴稱西
藏皇帝

西摩拉之
中英會議

英國之窺伺西藏

西藏，英人亦欲從印度進窺西藏，其政治領袖達賴，輒爲英俄暗鬪之工

具。先是、西藏達賴曾親俄，尊俄帝以「護法皇帝」之號。英人忌之，

乘日俄之戰，進據拉薩，達賴逃庫倫，由班禪與英議和，西藏歸英保護

。清與英交涉，結藏印條約，僅收回西藏宗主權，時民國前五年也。及

民國初元，達賴乘機回藏，擴張軍備，逐班禪，自稱西藏皇帝。嗣復誘

致川邊諸番作亂，國軍進擊之，達賴有意求和，而英公使忽向外部提出

抗議，略謂中國不得單獨干涉西藏問題，如不承認要求，英國亦不承認

民國政府。於是停止軍事行動，遣使與英藏代表會議於西摩拉，時在民

國三年。英主分西藏爲內外，內藏歸中國，外藏准其獨立。然內外藏界

線終未劃定，歐洲大戰起，議遂中輟。

日本之窺伺滿蒙

民國前一年，清政府向日提出幣制借款，以滿洲諸稅作擔保品，日本即欲大施其經濟侵略於滿洲。會武昌起義，蒙古

第二次日
俄密約

要求滿蒙
五鐵道建
築權

西藏又宣告獨立，日政府乘機與俄國締結宰割滿蒙之第二次日俄密約，又與英國接洽，得其諒解，以爲侵略中國之預備。民國元年，遂與中國訂立減輕滿鮮國境關稅章程，以壟斷滿洲商業。民國二年，因南京事件，又要求滿蒙五鐵道建築權^①，並以爲承認民國之條件。其侵略中國之野心，比比英俄，有過之無不及。

注 「一」民國二年二次革命，張勳兵進南京，有日商三人被害。日本即連派戰艦六艘

赴下關，欲藉南京事件，實行日俄第二次密約，要求滿蒙五鐵道——(1)開原至海龍城、(2)

四平街至洮南府、(3)洮南府至熱河、(4)長春至洮南府、(5)海龍城至吉林——之建築權。

大借款案

列強之借款壓迫，亦與窺伺邊疆同時進行。蓋清季財

政已極困難，屢借外債；革命軍興，經濟益形恐慌。而各國以中國擾亂故，中國之海關鹽稅收入，恐爲南軍或北軍所占領，危及各國債權，即由外交團協議，以各國銀行代表組織聯合委員會，監督中國之海關收入及鹽稅收入，以爲外債之擔保；並由外交團決議，各國對於南北兩軍，

善後五釐
金幣借款
告成
外人干預
中國財政
之端

皆不借款。因此南北兩軍，皆軍費奇絀，此實南北和議告成之最大原因也。和議既成，以善後名義向四國——英法美德——銀行磋商大借款。日俄同時加入銀行團，而美國則以銀行團要求中國之財政監督權爲不當而退出。此二千五百萬金磅之善後五釐金幣借款，卒於民國二年，由五國銀行團與中政府訂立契約。契約條件之最苛者，一爲用外人稽核鹽務，二爲用外人審計用途，實爲外人干預中國財政之端，而爲與他項借款之僅以某種權利爲條件者，其性質迥不同也。

提問要點

- 一 民國領土是否承有清季之疆域？
- 二 俄國如何窺伺蒙古，中政府如何對付俄國？
- 三 英國如何窺伺西藏？
- 四 日本窺伺滿蒙之情形如何？又與俄國有何關係？

第三章 袁世凱之危害民國

第四編 第三章 袁世凱之危害民國

勾結帝國主義者

袁世凱在臨時總統任時，已抱無限野心，不願國權之喪失，務求與各國帝國主義者相勾結。俄國扶助外蒙獨立，英國要求西藏自治，日本要求滿蒙五鐵道之建築權，皆以承認民國爲要挾，袁氏皆大致承認之。於是民國雖得列強之承認，而滿蒙藏三區域，發生根本之動搖，是實民國成立史上之絕大國恥。然袁氏則以中華民國總統之資格，取得國際上相當之地位，可以一意圖內。

二次革命暴發

初、孫文主張革命方略，須先軍政，次訓政，次憲政，及爲臨時總統時，一切設施，皆不能合其方略，故讓位於袁世凱，已則周遊各省，宣傳三民主義與五權憲法，並從事實業。蓋深知革命尙未成功，猶須努力也。然當時同盟會已改組爲國民黨，聲勢甚盛，長江流域及南部海疆要區，皆爲國民黨人之勢力範圍，足以監視政府，使袁氏感受不便，袁氏深疾之。民國二年，國民黨重要份子宋教仁爲袁氏所刺死，於是顧蘇皖湘閩粵先後起兵討袁，是爲二次革命。時善後大

民國成立
史上絕大
國恥

孫文宣傳
三民主義
與五權憲
法
同盟會改
組爲國民
黨
宋教仁被
袁氏刺死

二次革命
之失敗

袁氏總攬
大權

借款已告成，袁氏遂得利用之以制黨人。二次革命既失敗，袁氏勢大張，及就任正式總統後，即解散國民黨本部，及各省地方國民黨機關，停兩院議員職務，解散各省省議會，廢止臨時約法，改訂中華民國約法，而總攬大權於一身，凡與袁氏反對者，皆被逐或殺，無立足地。於是有帝制之復活。

注 「一」三民主義者，即打破種族上不平等之民族主義，打破政治上不平等之民權主義及打破經濟上不平等之民生主義是也。五權憲法，則於各國憲法所已規定之立法司法行政三權外，更加以中國舊有之考試監察兩權。

袁氏實行
帝制運動

推戴袁氏
為皇帝

帝制運動及其失敗後之情形 自二次革命失敗後，袁世凱即實行帝制運動，一面乘機分佈其所統之將領，督兵各省，以防反抗；一面授楊度等組織籌安會，假造民意，謂非君主立憲，不利中國。民國四年十二月，遂有所謂國民代表大會，舉行國體投票，一致贊成君主立憲，推戴袁世凱為皇帝。當籌安會發起之時，全國人心，已極惶惑。至是蔡

護國軍起

袁氏盡死

國民黨再
起於南方

鏘與唐繼堯任可澄等，在雲南發檄討袁，是謂護國軍，將兵北伐，不數日東南各省應之。翌年六月，袁氏知大事已去，恚而死。袁氏既死，其餘黨多擁兵自雄，爭政爭地，形成「軍閥」，於是中國政治益陷混亂，而國民黨乃再起於南方。

提問要點

- 一 袁世凱何故勾結帝國主義者？其結果如何？
- 二 何謂二次革命？其動機與結果如何？
- 三 袁氏帝制運動失敗之原因何在？其影響又如何？

第四章 軍閥禍國時代之廣州政府

段派主張
參戰

參戰與復辟 袁氏既死，黎元洪以副總統資格，繼為大總統。恢復約法，召集國會，任段祺瑞為國務總理。既而歐洲參戰問題起，段派主加入，國會主慎重，互相爭執，段氏被免。段氏實袁氏後北方軍閥之領袖。於是軍閥勢力下之安徽奉天陝西河南浙江等省，先後宣告與中央

張勳復辟
及失敗

脫離關係。安徽督軍張勳乘機率兵北上，逐元洪，突擁清廢帝溥儀復辟。段氏亦知復辟之不合民意，幡然變計，由馬廠誓師，討張勳，張勳敗走。段氏迎馮國璋入京，代總統，召集臨時參議院，實行對德宣戰，時在民國六年。

軍政府之成立 當黎氏解散國會，已有以違法反對內閣者。及馮

氏召集臨時參議院，程璧光唐繼堯等遂紛起護法。舊國會議員多走廣州開非常會議，制定軍政府組織大綱，舉孫文爲海陸軍大元帥。明年，又修正軍政府組織大綱，組織總裁會議及政務會議，協同行使中華民國軍政府之行政權，選孫文岑春煊等七人爲總裁。而北京政府亦一意孤行，選舉馮國璋爲總統。馮死、而徐世昌繼之。徐與岑等旋相妥協，下令統一，而孫文等認爲革命不澈底，通電否認。民國十年又開非常會議，議決中華民國政府組織大綱，舉孫文爲大總統，即日取消軍政府。

軍閥紛爭與帝國主義相勾結 自袁世凱死後，北方軍閥多擁兵據

非常會議
制定軍政
府組織大
綱

七總裁

非常會議
議決中華
民國政府
組織大綱

武力統一
與聯省自治

地；南方雖係革命根據地，然因受北方軍閥之壓迫，強者或死或逃，弱者往往降伏。北方反革命之大軍閥，志在把持中央，鼓吹「武力統一」；南方變節之小軍閥，志在割據地方，標榜「聯省自治」，各樹勢力。

而帝國主義者又從中利用之爲侵略之工具，軍閥爲圖自己勢力之充實

亦樂與勾結。在馮國璋時，日本扶助皖系段祺瑞等，遭直系曹錕等之忌

直皖之戰
直奉之戰

，卒以構成民九直皖軍閥之戰。歐戰後，英美暗助直系，日本則扶助奉

陳炯明叛

系張作霖等，卒以構成民十一直奉軍閥之戰。而南方之陳炯明，亦於是

年受直系吳佩孚之運動而叛，逼走孫文。明年，陳潰，孫復任。而直系

曹錕以賄選爲總統，卒以構成民十三江浙軍閥之戰——第二次直奉軍閥

江浙之戰
與第二次
直奉之戰

之戰。戰亂相尋，政局倏變。孫文觀此軍閥與帝國主義者勾結禍國之情

形，預備北伐，積極整頓國民黨內部，確定革命運動之方針，而國民政

國民政府
正式成立

府乃於民國十四年七月一日正式成立。

提問要點

- 一 何人主張參戰？何人主張復辟？
- 二 何謂護法？其原因何在？
- 三 廣州軍政府之組織如何？何時曾與北方相妥協？
- 四 北方軍閥之禍國戰爭，著名者有幾次？
- 五 國民政府於何時正式成立？

第五章 外交問題與民衆運動

歐戰影響於中國外交。中國受帝國主義者之侵略，國際地位，雖形降落，而國際關係，則加重。歐戰事起，歐洲帝國主義者自相伙併，與之有關係者，皆被牽動，加入戰團。凡加入德奧戰團者爲同盟方面，加入英法戰團者爲協約方面。兵連禍結，釀成空前之大戰，犧牲無數生命，損失無數財產，因以推翻強大帝國之勢力，喚起弱小民族之活動，於是政治、經濟、領土、以及其他關於國際上之形勢，俱起極大變化。中國對於歐戰，亦因國際關係，加入協約方面，華工團在戰場後方工

作者達十五萬人。但戰後和議，仍爲各帝國主義者所把持，中國仍無所得，外交上受其影響者，則有中俄間之蒙古問題與中日間之山東問題。

俄國大革命與外蒙

自民國二年中國承認外蒙自治後，俄人在蒙

俄國因革命無暇顧及蒙古自治

多方侵略。及民國六年，俄國因歐戰不利，國內大革命起，俄羅斯帝國倒，蘇維埃俄羅斯成，國內多事，一時無暇顧及蒙古方面。外蒙王公喇嘛等，卽向中政府呈請，取消自治，庫倫活佛受中政府冊封。八年，中政府聲明取消中俄間關於蒙事之一切條約及文件，並以外蒙取消自治情形布告各國。民國十年，俄國舊黨由西伯利亞竄入庫倫，未幾，俄新黨又逐去舊黨，占庫倫，蒙事又告危急。其後因俄國急欲與我國恢復邦交，民國十二年派代表加拉罕與北京政府開議。明年三月，雙方始擬定解決中俄懸案大綱協定，蘇聯政府承認外蒙爲完全中華民國之一部份，及尊重在該領土內中國之主權，蘇聯政府駐外蒙軍隊盡數撤退。於是中俄邦交恢復，外蒙亦暫告無事。

中俄恢復邦交

日本占據
膠州灣

二十一條
之要求

山東問題與二十一條案 歐戰事起，日本藉口英日同盟，加入戰

爭，以兵迫令德國將膠州灣交付日本，以便歸還中國。德人不允交付日本，願直接交還中國。日遂派兵攻取而據之。中政府以膠州灣爲中國領土，要求日本撤兵；日本卽於民國四年一月十八日，逕向中政府提出二十一條之要求。五月七日，竟致最後通牒於中政府，強迫四十八小時內承認焉。

注 「一」英日同盟訂於民國前十年，日利用英以抗俄，英則利用日以維持其遠東勢力，凡皆所以防俄也。歐戰中，英與德爲敵，故日人藉口英日同盟以抗德。 「二」二十一條

：關於全國者六：(1)沿海島嶼港灣不得讓與他國；(2)聘日人爲政治財政軍事等顧問；(3)聘日本人爲警察官，助理行政；(4)中國軍器百分之五十須購自日本；(5)軍器製造廠如雇用外人時，必用日人；(6)許日本人在中國傳教，得自由設學校、教會、寺院、病院。關於山東省者四：(1)山東省內屬於德國權利之鐵路礦山讓與日本；(2)山東重要各地開放商埠；(3)煙臺至濰縣及龍口至濰縣鐵路建築權，讓與日本；(4)山東省各地不得讓與他國。關於南滿者

四：(1)旅順大連租借期改訂為九十九年；(2)安奉鐵路合同期限與旅大同；(3)南滿各處鐵路警察權許與日本，與南滿鐵路同；(4)南滿地方許日人以居住耕作及經商之權利。關於東蒙古者三：(1)東蒙古之礦山採掘權許與日本；(2)東蒙古之鐵路，非經日本許可，他國不得建築；(3)東蒙古地方許日人以居住耕作經商之權利，與南滿同。關於長江流域者三：(1)漢冶萍公司歸中日合辦；(2)中國欲經營與漢冶萍公司競爭之礦業及製造業時，須先與日本協議；(3)自南昌至韶州、九江至武昌、南昌至杭州等鐵路之建築權許與日本。關於福建者一：中國如欲在福建開礦、築路、造船，須向日本借款。

巴黎和會與山東問題

民國七年十一月、歐戰告終，開和平會議

於巴黎凡爾塞宮。中國亦以協約之一員與會。中國代表提出於和會者：

(一)由德國直接交還在山東一切之權利；(二)取消被迫承認之二十一條要求；(三)希望列強所得於我種種不平等之權利：領事裁判權、

關稅協定、外國郵局、外兵駐防，皆依據公理撤消。然日本於民國六年與英法俄意各有換文，承認日本取得山東權利於德國，我國不知也。及

我國所提出於和會者

和議開，全權操縱於英美法日意五強國之手。英法等皆牽於換文，一致袒日；美亦不能抗。我代表以日本不允將山東權利交還中國一語加入對德和約中，乃請附約後，不許；改在約外，又不許；改用聲明保留，又不許；改爲分函聲明，不因簽字而有妨將來之重議，又復完全被拒；於是國人大譁，紛紛警告代表不許簽字於德約。陸徵祥等五代表乃單簽與約而歸。

五四運動 自日本提出二十一條要求後，中國國民至爲憤激，集合團體，不用日貨；且倡救國儲金，振興國貨以抵制之。海外華僑、學生、亦紛電政府拒絕。迨巴黎和會開議山東問題，我國又不得直，羣情益憤。八年五月四日，北京中學以上十三校學生，凡三千餘人，以請願爲名，爲示威運動；且請政府罷免曹汝霖陸宗輿章宗祥三親日派。全國學生先後響應，商界繼之，上海商店首先罷市，杭州、南京、武漢、天津、九江、山東、安徽、廈門繼之；工界亦有罷工者。政府知民意之不

拒絕直接交涉

可悔，乃罷免曹陸章。日本亦因吾民氣之不可悔，屢以交還山東權利誘我與之直接交涉。國民復監督政府，不許墮其術中。

華盛頓會議

巴黎會議後，美代表威爾遜總統齎和約歸，美上院

關稅增加
客郵無線
電撤去

以山東問題處置之不得其平，不批准和約。會新總統哈定當選，欲挽回其國際上之地位，乃召集太平洋會議於美京華盛頓。中國亦被邀請。中國代表所提出之主張，仍不外巴黎和會中所提出者。會議結果：關稅增加，客郵、無線電、撤去，則皆通過作爲決議案；領事裁判權及駐華軍警、雖決議，然須俟各國派員來華調查再定。二十一條，美國助中國主取消，中國又聲明保留再議此事之權，則與英之允還威海衛、及法之允還廣州灣，皆未決而列入會議紀錄中。惟山東問題、日本堅主直接交涉，中代表力主在大會公開會議。後以英美兩國之調停，在會外開議。議決：青島中德人之所有，無條件交還；日本所增修者，估價收回；膠濟鐵道亦估價購回；護路日軍撤去；膠澳全部由中國自開商埠。歐戰以來

山東問題
告一結果

之山東問題，乃暫告一結束。

民衆運動
傾向於排
斥帝國主
義之一點

五卅慘案

交涉無結
果

五卅慘案

自五四以後，民衆運動，遂傾向於排斥帝國主義之一

點，最著者則爲五卅慘案。民國十四年、上海日本人所設之紗廠，開除工會代表，併虐待工人，發生罷工事件。旋日人又封閉其他紗廠，於是工人相率向廠方要求開工，日人不允，遽率巡捕開槍，工人顧正紅死之，傷者十餘人。五月二十二日，工人爲顧正紅開追悼會，上海各大學以下學生於赴會時被租界巡捕拘去四五人；各校校長請求釋放，不允。至五月三十日上午，上海各大學以下學生三千餘人首先罷課，分組向租界遊行演講。時租界南京路老開捕房門口，聽衆擁擠；英捕頭愛伏生竟開槍驅逐，復命印度巡捕開放排槍，當場死者七人，傷者數十人。於是學生聯合會即通電全國，一致聲援。總商會下令罷市，各大工廠亦一律停工；全國各地，紛紛響應；同時並組織上海工商學聯合會，提出條件，嚴重交涉，外人均置之不理。北京政府雖派員赴上海調查交涉，雙方談

判，毫無結果。後復移至北京交涉，僅將被捕學生釋放；其他要求，尙爲懸案。

漢口慘案及沙基慘案

五卅慘案消息傳至武漢，各界大憤，先由

漢口慘案
交涉無結果

沙基慘案
交涉無結果

學生聯合會於六月三日起罷課，提出條件，向省署請願。十一日漢口各界大游行，爲示威運動。羣衆行經與英租界毗連之大智門時，英兵用機關槍掃射，死八人，重傷者數人。於是漢口各團體議決全埠罷市罷工，靜待交涉。中國交涉員與英日領事談判，北京政府亦向公使團抗議，皆無結果。自滬漢慘案次第發生，香港廣州之工人亦起而響應罷工。六月二十三日沙面工人與廣州各界聯合游行，學生隊欲入沙基對岸之沙面（外人居留地）演講，英法兵警用機關槍及大礮轟擊；羣衆及市民在沙基慘死者六十餘人，傷者百餘人。英水兵復陸續登岸，爲作戰準備。嗣經廣州國民政府及各公團，提出抗議，與英領事交涉，亦無結果。

提問要點

解散國民
黨另組中
華革命黨
政組中華
革命黨為
中國國民
黨

一 歐戰時，中國加入何方面？其於中國外交，有何影響？

二 已經宣告獨立之蒙古，何故自願取消獨立？與俄國大革命有無關係？

三 歐戰中日人如何壓迫中國？試舉其最關重大之案情？

四 何謂巴黎和會？該會如何處置山東問題？

五 五四運動之原因何在？其在中國外交史上有何關係？

六 何謂華盛頓會議？該會議如何解決山東問題？

七 「五卅」「漢口」「沙基」等慘案，與五四運動案性質相同否？

第六章 國民革命軍北伐之成功

中國國民黨改組之經過 當袁氏謀帝制時，國民黨員有受袁氏之

誘惑，脫離黨籍者，孫文乃解散國民黨，另組中華革命黨。及陳炯明敗，孫文復為廣州政府大元帥，既而又改組中華革命黨為中國國民黨，竭力整頓內部；且以為革命運動之成功，須集中革命勢力，欲集中革命勢力，非將國民黨重行改組為有主義有組織有訓練的政治團體不可。民國

中國國民黨第一次全國代表大會宣言

十二年一月，遂宣言改組，凡是黨員，重行登記。翌年一月，開全國黨員代表大會於廣州，通過中國國民黨總章，並發布中國國民黨第一次全國代表大會宣言。此宣言，對於黨的主義，解釋鮮明；而於黨的政綱，亦爲切要的規定。於是國民革命的意義乃確立；而國民革命的運動乃激進。

國民革命軍之進展

第二次直奉戰後，曹倒，段氏爲執政，曾迎

孫文卒於北京

孫文北上，共商國事。然孫文已病，十四年卒於北京，遺囑『革命尙未成功，同志務須繼續努力。』十五年七月、廣州國民政府遵行孫文之遺

蔣中正等北伐

囑，領導民衆，進行國民革命，以對內鏟除軍閥對外排斥帝國主義爲職志，命蔣中正等率國民革命軍北伐。西北國民軍領袖馮玉祥、山西國民軍領袖閻錫山、先後加入。蔣軍以數萬之衆，自湖南而湖北江西，所向克捷，擁兵十餘萬之吳佩孚孫傳芳等軍閥皆敗走。計自出師以來，不一年而東南悉平；革命軍所至如漢口九江之英租界，俱已收回，乃定南京

收回漢口九江英租界

國民政府
定都南京
統一中國

國民黨聯
俄容共

國民黨清
共與蘇俄
絕交

爲國都，而移國民政府都焉。又合馮軍閥軍繼續北伐，十七年五月，克復山東，六月敗走張作霖，克復北京，於是爲軍閥割據的中國，乃告統一。

國民黨容共清共之經過

當中國國民黨之改組也，同時，又以自由平等爲原則，接近世界上以平等待我之民族。因蘇俄聲言以平等待我，於是聯俄；而共產黨亦聲言服從三民主義；於是容共。然自容共以後，共產黨陽奉三民主義，實際上仍繼續其自黨之工作；且由蘇俄顧問鮑羅廷把持一切。至十六年，共產黨以武漢爲根據地，與南京之國民政府爲敵，於是國民黨有清黨之舉，並同時遣鮑羅廷回國，與蘇俄絕交。而國民黨乃益得發展黨的主義與精神。

濟案與關稅自主

國民革命北伐既告成功，「內除軍閥」之目的已達，由軍政時期而入訓政時期，因漸側重外交方面，與帝國主義者相周旋。其中最關重要者，則爲濟案、修約問題、及關稅自主案。

五三慘案

(1) 濟案 日本對於山東，終抱野心，當國民革命軍克復山東時，日本意在妨礙北伐，藉口保護僑民，出兵侵占膠濟鐵路及濟南，並殘殺中國官吏軍民數千人，造成五月三日之慘案，實為我國之奇恥大辱。當時軍民均憤欲一戰，國民政府力持鎮靜，決訴之公理。迨北伐成功，乃據理力爭，卒於十八年三月協定辦法：日本撤兵，并合組調查委員會，以解決一切。

(2) 修約問題及關稅自主

中國自鴉片戰役訂立江寧條約以後，與外國所訂之條約，內容多不平等。其最顯著者，約有五點：(1) 關稅不自主，(2) 領事有裁判權，(3) 駐外軍，(4) 租界及租借地，(5) 內河航權。此五點在政治上經濟上，皆足以制我國之死命。其中自歐戰後，德奧俄三國之舊條約已經廢除，其餘各國尚未更變。當五卅慘案發生後，全國人民羣起為廢止不平等條約之呼籲。外交當軸乃根據民意，照會英美法日比意荷葡八國公使提議修改條約，並根據華會關稅條約

江寧條約以後不平等條約內最顯著的五點

修約之經過

積極進行
修約自主
定期實行

，邀請各國參與中國關稅特別會議。各國亦以中國民氣之激昂，並爲轉移廢約之要求起見，均派代表來華與會。中國代表所提出之關稅自主案，由各與會國爲原則上之承認。中國代表乃聲明國定稅率與裁撤釐金同時實行，至遲不過民國十八年一月一日。在國定稅率未實行以前，按照華會關稅條約先徵收附加稅，時民國十四年事。及國民政府克復北京後，更積極進行修約，而最關重要之關稅自主條約，業已得多數國之簽字，於十八年二月一日施行新稅則矣。且各國承認國民政府問題，亦即以簽定條約爲表示，不再另用書面，以免如袁世凱時受日俄之無理要挾。

提問要點

- 一 試略述中國國民黨改組之經過。
- 二 國民革命軍北伐時之情形如何？
- 三 中國國民黨何故容共？又何故清共？

四 何故發生濟案？

五 不平等條約內容中，其最顯著者有幾點？

六 何謂關稅自主？試略述關稅自主運動之經過。

第七章 文化運動

文化運動之動機

自清季以來，歐西文化不斷輸入。然始不過炫其船堅礮利而已，目的在武備革新，是爲第一期。自戊戌政變以迄於清之亡，民主政治之成立，其目的在政治革新，是爲第二期。然改革之後，政體與國民精神間，時現衝突，愛國之士，覺有革新國民精神之必要，於是文化運動起，是爲第三期。

新舊思想之衝突

中國之國民精神，二千年來，本皆寄託於孔子。清季章炳麟以漢學健將，已將孔子之價值重新估定。青年學者對於孔子之認識，本已不如前者之誤解。自民國六年蔡元培爲北京大學校長，輔以錢玄同胡適諸教授，遂盡力爲革新文化之運動，全國青年靡然從

之。於時林紓乃以綱常名教之說責蔡元培，同時北京大學同學中亦有國
激月刊，頗非難新文化運動；然此種反對之力皆不大。

注「章氏以爲孔子之功在以古道術傳布於民間，然其學實不及孟荀；又謂其爲良
史，而漢劉歆足以抗之。

文學革命

清代文學、本以桐城派古文爲盛，末年更得吳汝綸爲
之後勁。嚴復林紓出其門，嚴以之譯西洋哲學書，林以之譯西洋小說。

然均尙詞采，已非方苞義法謹嚴之古文。梁啟超矯之以流放，舉古文之
藩籬、摧蕩之而無餘，其文明白易解而有條理，清末頗風靡一時。古文
之解放、於斯已盡其能事，然終不能普遍於民衆。自革新文化運動起，
胡適錢玄同等根本覺悟古文之不便於用，乃高張其文學革命之旗，以語
體代古文。中國文學史上遂由是開一新紀元。

文學革命

國語運動

文學革命之旗幟既張，於是胡適之建設的文學革命論
出。彼其所謂建設者，即欲以文學爲工具，而製定一種標準國語。於是

注音字母

久在進行之國語運動益顯其發展之象。蓋自清季已有統一讀音之運動，如王照之著官話合聲字母，勞乃宣之創簡字，著簡字譜。民國二年，教育部召集國內學者開讀音統一會，議國語統一方法。制定注音字母三十九字以代自音以來沿用之翻切；七年，更由教育部正式公布，使各省推行。將來國語統一，此其權輿也。

中國學術
思想起一
大變動

整理國故

歐美學術之輸入及國故之整理 自嚴復譯天演論後，「物競天擇」之說傳入中國，於是學術思想乃起一大變動。嗣是歐美古今哲學家之學術更相繼輸入。民國八年以後，杜威 Dewey 羅素 Russel 杜里舒 Deurich 復相繼東來講學，思想界益形活躍。但一方有人輪進西方學術，一方復有人整理吾國固有之學術。學者對於國故之整理，與從前大異其趣。自革新文化運動後，一方襲擊中國舊有之思想，一方又實取國故而整理之，從新估定其價值。故老孔孟荀莊墨等之學說，復因以大明。

三民主義與固有文化

文化運動大都在學術思想方面，尙無合致

孫文學說
發揮中國
文化之真
價值

仁愛思想
解放全人
類

完成中國
民族在全
人類中之
使命

治經濟社會倫理心理各方面，作一種偉大之溝通，以發揮中國文化之真價值，爲民族精神創造更進步之新建設者；有之自孫文始。孫文以數十年革命之經驗，認中國古代之倫理哲學及政治哲學，爲全世界文化史上最具有價值的人類精神文明之結晶。欲求全人類真正之解放，必須以中國固有的仁愛思想爲道德基礎，將一切科學的文化，皆建設在此道德基礎之上，然後全人類方得真正之和平，而文明之進化，亦始有真實的意義。中國民族恢復此固有文化之精神，以之救國，以之解放全人類，使得真正之和平，方爲完成中國民族在全人類中之使命。故孫文之革命主義——三民主義，其最終目的，在求世界大同；而其主義在哲學上之基礎，卽爲求中國固有文化——仁愛之發揚光大；如是而後吸收歐西之文化，不至受物質之壓迫。此種學說之精髓，在軍人精神教育中言之極詳。總之，孫文所主張者若孫文學說、實業計劃、五權憲法、建國大綱等著作，對於中國民族心理的建設，物質的建設，政治的建設，皆予以世界

的偉大之指導：其影響所及，不僅僅限於中國文化而已。

備覽 孫文生平除革命外，最好讀書，於學無所不窺，其著作之重要者：(1)民權初步，民國七年出版。所言爲組織民衆的基本方法，其自序云：「……倘此第一步能行，行能穩，則逐步前進，民權之發達，必有登峯造極之一日。」(2)孫文學說，成於民國六七年間，因辛亥革命的假成功，癸丑革命的真失敗兩大教訓之後，認定彌漫中國當時人心的「知易行難」的思想，是阻礙革命的大障礙物，於是創爲「行易知難」的學說。(3)軍人精神教育，是民國十年在桂林集合各軍將校演講之記錄。全書分五章：一講精神教育，二講智，三講仁，四講勇，五講決心；決心又分爲兩項：一是成功，一是成仁。而以實行三民主義爲目的。(4)三民主義，是孫先生一生偉大創作的本體。自謂三民主義就是救國主義。又說明必須先達到救國的目的，才能說得到人羣進化，世界大同云。(5)實業計劃，是書爲孫先生積數十年之研究而成爲專門的著作。關於中國之物質的建設，有偉大而綿密的規畫。(6)

五權憲法。(7)建國大綱等。

提問要點

-
- 一 文化運動之動機，約有幾期？誰爲文化運動中之有力者？
 - 二 何謂文學革命、國語運動？
 - 三 關於社會的問題，何者宜特加注意改良？
 - 四 整理國故，動因何在？其價值又如何？
 - 五 三民主義之影響，是否僅限於中國之文化？

新中華初中教科書 本國史 第二冊

一五八

新中華教科書初級中學本國史第二冊終

民國十八年五月初版

初級中學用

新中華本國史教科書(全二冊)

◎【第二冊定價銀七角】

有 不 著 准 作 翻 權 印

編 者 金 華 金 兆 梓

校 者 曠 縣 鄭 昶 杭 縣 張 昶

出 版 者 新 國 民 圖 書 社

發 行 所 中 華 書 局

分 售 處 各 省 中 華 書 局

文 明 書 局 啟 新 書 局 各 大 書 局

